


113
966
12



118
966
12

御選唐宋詩醇卷之二十七

昌黎韓愈詩一

目錄

元和聖德詩

琴操十首

將歸操

猗蘭操

龜山操

越裳操

天正十五年二月
花房仙文郎氏寄贈

拘幽操

岐山操

履霜操

雉朝飛操

別鶴操

殘形操

南山詩

謝自然詩

秋懷詩十一首

御選唐宋詩醇卷之二十七

昌黎韓愈詩一

韓愈文起八代之衰而其詩亦卓絕千古論者常以文掩其詩甚或謂於詩本無解處夫唐人以詩名家者多以文名家者少謂韓文重於韓詩可也直斥其詩為不工則羣兒之愚也大抵議韓詩者謂詩自有體此押韻之文格不近詩又豪放有餘深婉不足常苦意與語俱盡蓋自劉放沈括時有異同而黃魯直陳師道輩遂羣相訾謗歷宋元明

異論閒出此實味於昌黎得力之所在未嘗沿波以討其源則真不辨詩體者也夫六義肇興體裁斯別言簡而意該節短而韻長含吐抑揚雖重複其詞而彌有不盡之味此風人之旨也至於二雅三頌鋪陳終始竭情盡致義存乎揚厲而不病其夸情迫於呼號而不嫌其激其爲體迥異於風非特詞有繁簡其意之隱顯固殊焉千古以來寧有以少含蓄爲雅頌之病者乎然則唐詩如王孟一派源出於風而愈則本之雅頌以大暢厥辭者也

其生平論詩專主李杜而於治水之航磨天之刃慷慨追慕誠欲效其震蕩乾坤陵暴萬類而後得盡吐其奇傑之氣其視清微淡遠雅詠溫恭殊不足以盡吾才然偶一爲之餘力亦足以相及如琴操及南溪諸作具在特性所不近不多作耳而仰攻者顧執多少之數以判優絀之數乎擬桃源爲樂土而輒謂洪河太華之駭人求仙佛之元虛而反以聖賢經天緯地爲多事此其說固不待智者而決也今試取韓詩讀之其壯浪縱恣擺去拘束

誠不減於李其渾涵汪洋千彙萬狀誠不減於杜而風骨峻嶒腕力矯變得李杜之神而不襲其貌則又拔奇於二子之外而自成一家夫詩至足與李杜鼎立而論定猶有待於千載之後甚矣詩道之難言也然元稹固嘗推杜而抑李歐陽修又主退之不主子美李杜已然在愈故應不免彼自鳴自息者又烏足與深辨哉茲集所登爲古詩者什八爲律詩者什二蓋愈詩偏以古勝此自有定論也聯句之盛前此未有以非一人所得專美姑置不錄若夫集外遺詩如嘲鼯睡辭唱歌淺俚醜惡假託無疑直應削去而不容列諸集中者也

元和聖德詩

并序

臣愈頓首再拜言。臣伏見皇帝陛下卽位以來。誅流姦臣。朝廷清明。無有欺蔽。外斬楊惠琳。劉闢。以收夏蜀。東定青徐。積年之叛。海內怖駭。不敢違越。郊天告廟。神靈歡喜。風雨晦明。無不從順。太平之期。適當今日。臣蒙被恩澤。日與羣臣序立紫宸殿。陛下親望穆穆之光。而其職業。又

在以經籍教導國子。誠宜率先作歌詩以稱道盛德。不可以辭語淺薄。不足以自效爲解。輒依古作四言。元和聖德詩一篇。凡千有二十四字。指事實錄。具載明天子文武神聖。以警動百姓耳。目傳示無極。其詩曰。

皇帝卽阡。物無違拒。曰暘而暘。曰雨而雨。維是元年。有盜在夏。欲覆其州。以踵近武。皇帝曰嘻。豈不在我。貪鄙爲艱。縱則不可。出師征之。其眾十旅。軍其城下。告以福禍。腹敗枝披。不敢保聚。擲首陣外。

降幡夜豎。疆外之險。莫過蜀土。韋皋去鎮。劉闢守後。血人於牙。不肯吐口。開庫啗士。曰隨所取。汝張汝弓。汝鼓汝鼓。汝爲表書。求我帥汝。事始上聞。在列。咸怒。皇帝曰。然。嗟。遠士女。苟附而安。則且付與。讀命於庭。出節少府。朝發京師。夕至其部。闢喜謂。黨汝振而伍。蜀可全。有此不當受。萬牛鬻炙。萬甕行酒。以錦纏股。以紅帕首。有恇其兇。有餌其誘。其出穰穰。隊以萬數。遂劫東川。遂據城阻。皇帝曰。嗟。其又可許。爰命崇文。分卒禁禦。有安其軀。無暴我。

野日行三十。徐壁其右。闕黨聚謀。鹿頭是守。崇文奉詔。進退規矩。戰不貪殺。擒不濫數。四方節度。整兵頓馬。上章請討。俟命起坐。皇帝曰。嘻。無汝煩苦。荆并洎梁。在國門戶。出師三千。各選爾醜。四軍齊作。殷其如阜。或拔其角。或脫其距。長驅洋洋。無有齟齬。八月壬午。闕棄城走。載妻與妾。包裹稚乳。是日崇文入處。其宇分散。逐捕搜原。剔藪闕窮。見窘無地。自處俯視。大江不見。洲渚遂自顛倒。若杵投臼。取之江中。枷脰械手。婦女纍纍。啼哭拜叩。來獻

闕下。以告廟社。周示城市。咸使觀覩。解脫攀索。夾以砧斧。婉婉弱子。赤立偃僂。牽頭曳足。先斷腰膂。次及其徒。體骸撐拄。末乃取闕。駭汗如寫。揮刀紛紛。爭刳膾脯。優賞將吏。扶珪綴組。帛堆其家。粟塞其庾。哀憐陣沒。廩給孤寡。贈官封墓。周帀宏溥。經戰伐地。寬免租簿。施令酬功。急疾如火。天地中間。莫不順序。幽恆青魏。東盡海浦。南至徐蔡。區外雜虜。恒威赧德。跼蹐舞蹈。棄兵革私習。簞簞來請。來覲十百。其耦皇帝曰。吁。伯父叔舅。各安爾位。訓

厥。眈。晦。正。月。元。日。初。見。宗。祖。躬。執。百。禮。登。降。拜。俯。
薦。於。新。宮。視。瞻。梁。梠。感。見。容。色。淚。落。入。俎。侍。祠。之。
臣。助。我。惻。楚。乃。以。上。辛。於。郊。用。牡。除。於。國。南。鱗。筍。
毛。簍。廬。墓。周。施。開。揭。磊。砢。獸。盾。騰。挈。圓。壇。帖。妥。天。
兵。四。羅。旂。常。婀娜。駕。龍。十。二。魚。魚。雅。雅。宵。昇。於。邱。
奠。璧。獻。尊。眾。樂。驚。作。轟。虺。融。冶。紫。燄。噓。呵。高。靈。下。
墮。羣。星。從。坐。錯。落。侈。哆。日。君。月。妃。煥。赫。嫫。媼。瀆。鬼。
濛。鴻。嶽。祇。業。峩。飶。沃。羶。薌。產。祥。降。嘏。鳳。皇。應。奏。舒。
翼。自。拊。赤。鱗。黃。龍。透。陀。結。糾。卿。士。庶。人。黃。童。白。叟。
踴。躍。歡。呀。失。喜。噎。歐。乾。清。坤。夷。境。落。塞。舉。帝。車。迴。
來。日。正。當。午。幸。丹。鳳。門。大。赦。天。下。滌。濯。剋。磔。磨。滅。
瑕。垢。續。功。臣。嗣。拔。賢。任。耆。孩。養。無。告。仁。滂。施。厚。皇。
帝。神。聖。通。達。古。今。聽。聰。視。明。一。似。堯。禹。生。知。法。式。
動。得。理。所。天。錫。皇。帝。爲。天。下。主。并。包。畜。養。無。異。細。
鉅。億。載。萬。年。敢。有。違。者。皇。帝。儉。勤。盥。濯。陶。瓦。斥。遣。
浮。華。好。此。締。紉。敕。戒。四。方。侈。則。有。咎。天。錫。皇。帝。多。
麥。與。黍。無。召。水。旱。耗。於。雀。鼠。億。載。萬。年。有。富。無。窶。
皇。帝。正。直。別。白。善。否。擅。命。而。狂。旣。翦。旣。去。盡。逐。羣。

姦靡有遺侶。天錫皇帝。厯臣碩輔。博問遐觀。以置
左右。億載萬年。無敢余侮。皇帝大孝。慈祥悌友。怡
怡愉愉。奉皇太后。浹於族親。濡及九有。天錫皇帝。
與天齊壽。登茲太平。無怠永久。億載萬年。爲父爲
母。博士臣愈。職是訓詁。作爲歌詩。以配吉甫。
典雅處似毛詩。質峭處似秦碑。華潤處似文選。然
通體質峭。居多首尾。頌揚亦彌與秦碑爲近。誅
闢一段。借以悚動藩鎮。前人論之詳矣。至幽恆青
魏一段。寫諸道震懾而朝廷慰安。鎮撫得體。有威

尤是最著意處

穆修曰。退之元和聖德詩。淮西碑。柳雅章之類。
皆辭嚴義偉。制作如經。能峯然聳唐德於盛漢
之表。

筆墨閒錄曰。此序乃司馬遷之文。非相如文也。
張栻曰。誦退之聖德頌。至婉婉弱子。赤立偃僂。
牽頭曳足。先斷腰脊。處世榮舉。子由之說曰。此
李斯頌秦所不忍言。而退之自謂無愧於風雅。
何其陋也。此說如何。曰。退之筆力高得。斬截處

卽斬截他豈不知此所以爲此言者必有說蓋
欲使藩鎮聞之畏罪懼禍不敢叛耳今人讀之
至此猶且寒心況當時藩鎮乎此正是合於風
雅處只如牆有茨桑中諸詩或以爲不必載而
龜山乃曰此衛爲夷狄所滅之由退之之言亦
此意也退之之意過於子由遠矣大抵前輩不
可輕議

樊汝霖曰此詩蘇黃門獨謂不然且曰此特憲
宗命崇文誅一劉闢爾其言闢棄城走爭荆膾
脯何其瑣屑之甚謂之造語工則可謂之得雅
體未也詩載文王伐崇武王伐紂固自有體退
之獨不到此耶亦其少年所爲文也按公時年
四十不可謂少大抵德不足則夸憲宗功烈固
偉比文武則有閒矣王荆公嘗論詩曰周頌之
詞約約所以爲嚴德盛故也魯頌之詞侈侈所
以爲夸德不足故也是詩也其亦魯頌之謂歟
彥周詩話曰韓退之元和聖德詩云駕龍十二
魚魚雅雅其深於詩者耶

琴操十首

將歸操

孔子之趙聞殺鳴犢作

狄之水兮其色幽幽。我將濟兮不得其由。涉其淺兮石齧我足。乘其深兮龍入我舟。我濟而悔兮將安歸。尤歸兮歸兮無與石鬪兮無應龍求。喻意奇警

猗蘭操

孔子傷不逢時作

蘭之猗猗揚揚其香。不採而佩於蘭何傷。今天之旋其曷為然。我行四方以日以年。雪霜買買薺麥

之茂子如不傷。我不爾覲薺麥之茂。薺麥之有君子之傷。君子之守

薺麥二語妙於和平。君子二語妙於斬截。寫得安土樂天意出

龜山操

孔子以季桓子受齊女樂諫不

從望龜山而作

龜之氛兮不能雲雨。龜之枿兮不中梁柱。龜之大兮祗以奄魯。知將隳兮哀莫余伍。周公有鬼兮嗟余歸輔

一結深痛

越裳操 周公作

雨之施物以孳我何意於彼為自周之先其艱其勤以有疆宇私我後人我祖在上四方在下厥臨孔威敢戲以侮孰荒於門孰治於田四海既均越裳是臣

我何意於彼為不享其贄不臣其人妙用盡此六字四海既均越裳是臣愈淡愈妙所謂不著一字盡得風流也

李光地曰孰荒於門孰治於田言豈有荒於門而能治於田者見非安近無以服遠起下兩句意

拘幽操 文王羨里作

目窈窕兮其凝其盲耳肅肅兮聽不聞聲朝不日出兮夜不見月與星有知無知兮為死為生嗚呼臣罪當誅兮天王聖明

伊川程子曰退之作琴操有曰臣罪當誅兮天王聖明道文王意中事前後之人道不到此徐

仲車言退之拘幽操謂文王囚羑里作乃云臣
罪當誅今天王聖明可謂知文王之用心矣凱
風七子之母猶不能安其室而云母氏聖善我
無令人重自責也

岐山操 周公為大王作

我家於幽自我先公伊我承序敢有不同今狄之
人將土我疆民為我戰誰使死傷彼岐有咀我往
獨處爾莫余追無思我悲

履霜操 尹吉甫子伯奇無罪為後母譖

而見逐自傷作

父兮兒寒母兮兒饑兒罪當答逐兒何為兒在中
野以宿以處四無人聲誰與兒語兒寒何衣兒饑
何食兒行於野履霜以足母生眾兒有母憐之獨
無母憐兒寧不悲

結處獨呼母憐更得神解

雉朝飛解 牧犢子七十無妻見雉雙飛

感之而作

雉之飛於朝日羣雌孤雄意氣橫出當東而西當

啄而飛。隨飛隨啄。羣雌粥粥。嗟我雖人。曾不如彼。雉雞。生身七十年。無一妾與妃。

別鵠操

商陵穆子娶妻五年無子父母

欲其改娶其妻聞之中夜悲嘯穆子感之而作

雄鵠銜枝來。雌鵠啄泥歸。巢成不生子。大義當乖離。江漢水之天。鵠身鳥之微。更無相逢日。且可繞樹相隨飛。

殘形操

曾子夢見一狸不見其首作

有獸維狸兮。我夢得之。其身孔明兮。而頭不知。吉凶何為兮。覺坐而思。巫咸上天兮。識者其誰。

滄浪詩話曰韓退之琴操高古正是本色非唐賢所及

漁隱叢話曰唐子西語錄云古樂府命題皆有主意後之人用樂府為題者直當代其人措辭如公無渡河須作妻止其夫之辭太白輩或失之惟退之琴操得體琴操柳子厚不能作子厚皇雅退之亦不能作也

沈德潛曰琴操諸篇深婉忠厚得風雅之正

南山詩

吾聞京城南。茲維羣山囿。東西兩際海。巨細難悉
究。山經及地志。茫昧非受授。團辭試提挈。挂一念
萬漏。欲休諒不能。粗敘所經觀。嘗昇崇邱望。戢戢
見相湊。晴明出稜角。縷脈碎分繡。蒸嵐相瀆洞。表
裏忽通透。無風自飄簸。融液煦柔茂。橫雲時平凝。
點點露數岫。天空浮修眉。濃綠畫新就。孤撐有巉
絕。海浴褰鵬噉。春陽潛沮洳。濯濯吐深秀。巖巒雖

律。嶽輒弱類含耐。夏炎百木盛。蔭鬱增埋覆。神靈
日歔歔。雲氣爭結構。秋霜喜刻轢。磔卓立癯瘦。參
差相疊重。剛耿陵宇宙。冬行雖幽墨。冰雪工琢鏤。
新曦照危峨。億丈恆高表。明昏無停態。頃刻異狀
候。西南雄太白。突起莫間筵。藩都配德運。分宅占
丁戊。逍遙越坤位。詆訐陷乾竇。空虛寒兢兢。風氣
較搜漑。朱維方燒日。陰霰縱騰糅。昆明大池北。去
覲偶晴晝。緜聯窮俯視。倒側困清漚。微瀾動水面。
踴躍躁猱狖。驚呼惜破碎。仰喜呀不仆。前尋徑杜

野。空。蔽。畢。原。陋。崎。嶇。上。軒。昂。始。得。觀。覽。富。行。行。將。
遂。窮。嶺。陸。煩。互。走。勃。然。思。坼。裂。擁。掩。難。恕。宥。巨。靈。
與。夸。蛾。遠。賈。期。必。售。還。疑。造。物。意。固。護。蓄。精。祐。力。
雖。能。排。幹。雷。電。怯。呵。詬。攀。緣。脫。手。足。蹭。蹬。抵。積。磴。
茫。如。試。矯。首。壅。塞。生。恂。愁。威。容。喪。蕭。爽。近。新。迷。遠。
舊。拘。官。計。日。月。欲。進。不。可。又。因。緣。窺。其。湫。凝。湛。閼。
陰。豨。魚。蝦。可。俯。掇。神。物。安。敢。寇。林。柯。有。脫。葉。欲。墮。
鳥。驚。救。爭。銜。鸞。環。飛。投。葉。急。哺。鷺。旋。歸。道。迴。睨。達。
枿。壯。復。奏。吁。嗟。信。奇。怪。峙。質。能。化。質。前。年。遭。遣。謫。
探。歷。得。邂逅。初。從。藍。田。入。顧。盼。勞。頸。脰。時。天。晦。大。
雪。淚。目。苦。矇。瞶。峻。塗。拖。長。冰。直。上。若。懸。溜。褰。衣。步。
推。馬。顛。蹶。退。且。復。蒼。黃。忘。遐。晷。所。矚。纔。左。右。杉。篁。
吃。蒲。蘇。果。耀。攢。介。冑。專。心。憶。平。道。脫。險。逾。避。臭。昨。
來。逢。清。霽。宿。願。忻。始。副。崢。嶸。躋。豕。頂。倏。閃。雜。鼉。鼉。
前。低。割。開。闢。爛。漫。堆。眾。皴。或。連。若。相。從。或。蹙。若。相。
鬪。或。妥。若。弭。伏。或。竦。若。驚。雉。或。散。若。瓦。解。或。赴。若。
輻。湊。或。翩。若。船。遊。或。決。若。馬。驟。或。背。若。相。惡。或。向。
若。相。佑。或。亂。若。抽。筍。或。噪。若。注。灸。或。錯。若。繪。畫。或。

繚若篆籀。或羅若星離。或翦若雲逗。或浮若波濤。
或碎若鋤耨。或如賁育倫。賭勝勇前購。先強勢已
出。後鈍嗔誼譎。或如帝王尊。叢集朝賤幼。雖親不
褻狎。雖遠不悖謬。或如臨食案。肴核紛飭餽。又如
遊九泉。墳墓包椁柩。或纍若盆罌。或揭若甌卮。或
覆若曝鼈。或頽若寢獸。或蜿若藏龍。或翼若搏鷲。
或齊若友朋。或隨若先後。或迸若流落。或顧若宿
留。或戾若仇讎。或密若婚媾。或儼若峩冠。或翻若
舞袖。或屹若戰陣。或圍若蒐狩。或靡然東注。或偃

然北首。或如火熺燄。或若氣饋餽。或行而不輟。或
遺而不收。或斜而不倚。或弛而不毅。或赤若禿鬣。
或燻若柴樵。或如龜坼兆。或若卦分絲。或前橫若
剝。或後斷若姤。延延離又屬。夬夬叛還邁。喁喁魚
鬪萍。落落月經宿。閶闔樹牆垣。嚙嚙架庫廩。參參
削劍戟。煥煥銜瑩琇。敷敷花披萼。闐闐屋摧雷。悠
悠舒而安。兀兀狂以狃。超超出猶奔。蠢蠢駭不懋。
大哉立天地。經紀肖營腠。厥初孰開張。僮俛誰勸
侑。創茲樸而巧。戮力忍勞疚。得非施斧斤。無乃假

詛咒鴻荒竟無傳功大莫酬儼嘗聞於祠官芬苾降歆嗅斐然作歌詩惟用贊報醑

入手虛冒開局嘗昇崇邱以下總敘南山大槩春陽四段敘四時變態太白昆明兩段言南山方隅連亘之所自頃刻異狀候以上只是大略遠望未嘗身歷瞻太白俯昆明眺望乃有專注而猶未登涉也徑杜墅上軒昂志窮觀覽矣蹭蹬不進僅一窺龍湫止焉遭貶由藍田行則又跋涉艱危無心觀覽也層層頓挫引滿不發直至昨來逢清霽以

下乃舉憑高縱目所得景象傾囊倒篋而出之疊用或字從北山詩化出比物取象盡態極妍然後用大哉一段煞住通篇氣脈逶迤筆勢竦峭蹊徑曲折包孕宏深非此手亦不足以稱題也

潛溪詩眼曰孫莘老嘗謂老杜北征勝退之南山詩王平甫以爲南山勝北征終不能相服時山谷尙少乃曰若論工巧則北征不及南山若書一代之事以與國風雅頌相爲表裏則北征不可無而南山雖不作未害也二公之論遂定

洪興祖曰此詩似上林子虛賦才力小者不可到也

晁說之曰韓文公詩號狀體謂鋪敘而無含蓄也若雖親不褻狎雖遠不悖謬該於理多矣顧嗣立曰此等長篇亦從騷賦化出然卻與焦仲卿妻杜陵北征諸長篇不同者彼則實敘事情此則虛摹物狀公以畫家之筆寫得南山靈異縹緲光怪陸離中間連用五十一或字復用十四疊字正如駿馬下岡手中脫轡忽用大哉

立天地數語作收又如柝聲忽驚萬籟皆寂

謝自然詩

果州南充縣寒女謝自然童。駿無所識。但聞有神。仙。輕生學其術。乃在金泉山。繁華榮慕絕。父母慈愛捐。疑心感魑魅。慌忽難具言。一朝坐空室。雲霧生其間。如聆笙竽韻。來自冥冥天。白日變幽晦。蕭蕭風景寒。簷楹暫明滅。五色光屬聯。觀者徒傾駭。躑躅詎敢前。須臾自輕舉。飄若風中煙。茫茫八紘大。影響無由緣。里胥上其事。郡守驚且歎。驅車領

官吏。毗俗爭相先。入門無所見。冠履同蛻蟬。皆云
神仙事。灼灼信可傳。余聞古夏后。象物知神姦。山
林民可入。魍魎莫逢旃。逶迤不復振。後世恣欺謾。
幽明紛雜亂。人鬼更相殘。秦皇雖篤好。漢武洪其
源。自從二主來。此禍竟連連。木石生怪變。狐狸騁
妖患。莫能盡性命。安得更長延。人生處萬類。知識
最為賢。奈何不自信。反欲從物遷。往者不可悔。孤
魂抱深冤。來者猶可誠。余言豈空文。人生有常理。
男女各有倫。寒衣及飢食。在紡績耕耘。下以保子

孫。上以奉君親。苟異於此道。皆為棄其身。噫乎彼
寒女。永託異物羣。感傷遂成詩。昧者宜書紳。
前敘後斷排斥不遺餘力人詫其白日飛昇吾獨
為孤魂冤痛警世至深切矣 凝心感魑魅一語
包括半部楞嚴

李光地曰世固自有仙道自韓子言之則皆鬼
魅所為也信乎曰其入於鬼魅者多矣故首曰
凝心感魑魅後曰木石生怪變狐狸騁妖患而
中敘其昇舉之候風寒幽晦則非休徵可知然

韓子本意雖視仙道猶鬼道也故曰莫能盡性命安得更長延其記夢云安能從汝巢神山則直謂世無仙道但窟宅巖崖羣彼異物耳顧嗣立曰公排斥佛老是生平得力處此篇全以議論作詩詞嚴義正明目張膽原道佛骨表之亞也

集仙錄曰謝自然居果州南充縣年十四修道不食築室於金泉山貞元十年十一月二十日辰時白日昇天士女數千人咸共瞻仰須臾五

色雲遮互一川天樂異香散漫刺史李堅表聞詔褒美之

秋懷詩十一首

窗前雨好樹眾葉光蕤蕤。秋風一披拂策策鳴不已。微燈照空牀夜半偏入耳。愁憂無端來感歎成坐起。天明視顏色與故不相似。羲和驅日月疾急不可恃。浮生雖多塗趨死惟一軌。胡爲浪自苦得酒且歡喜。

白露下百草。蕭蘭其雕悴。青青四牆下。已復生滿

地寒蟬暫寂寞。蟋蟀鳴自恣。運行無窮期。稟受氣
苦異。適時各得所。松柏不必貴。

彼時何卒卒。我志何曼曼。犀首空好飲。廉頗尚能
飯。學堂日無事。驅馬適所願。茫茫出門路。欲去聊
自勸。歸還閱書史。文字浩千萬。陳跡竟誰尋。賤嗜
非貴獻。丈夫意有在。女子乃多怨。

秋氣日惻惻。秋空日凌凌。上無枝上蠋。下無盤中
蠅。豈不感時節。耳目失所憎。清曉卷書坐。南山見
高稜。其下澄秋水。有蛟寒可醫。惜哉不得往。豈謂

吾無能。

用意與同谷六歌略同

離離掛空悲。感感抱虛警。露泣秋樹高。蟲弔寒夜
永。斂退就新懦。趨營悼前猛。歸愚識夷塗。汲古得
脩綆。名浮猶有恥。味薄真自幸。庶幾遺悔尤。卽此
是幽屏。

此首特多見道之言

葛立方曰此則陶潛歸去來辭覺今是昔非之
意似有所悟也

今晨不成起。端坐盡日景。蟲鳴室幽幽。月吐窗罔罔。喪懷若迷方。浮念劇含梗。塵埃慵伺候。文字浪馳騁。尚須勉其頑。王事有朝請。

秋夜不可晨。秋日苦易暗。我無汲汲志。何以有此憾。寒雞空在棲。缺月煩屢瞰。有琴具徽絃。再鼓聽愈淡。古聲久埋滅。無由見真濫。低心逐時趨。苦勉祇能暫。有如乘風船。一縱不可纜。不如覩文字。丹鉛事點勘。豈必求贏餘。所要石與甌。

李光地曰首言其汲汲求志而患日之不足也

又言淡古之音世無知者低心逐時性所不堪如乘風之船不能自返故惟有讀書以自樂苟暫得甌石之儲便浩浩乎無求矣

卷卷落地葉。隨風走前軒。鳴聲若有意。顛倒相追奔。空堂黃昏暮。我坐默不言。童子自外至。吹燈當我前。問我我不應。饋我我不餐。退坐西壁下。讀詩盡數編。作者非今士。相去時已千。其言有感觸。使我復悽酸。顧謂汝童子。置書且安眠。丈夫屬有念。事業無窮年。

李光地曰言誦古人詩與古人相感默然安寢而志乎無窮之業詩所謂獨寐寤宿永矢弗告者歟

霜風侵梧桐。眾葉著樹乾。空階一片下。琤若摧琅玕。謂是夜氣滅。望舒實其團。青冥無依倚。飛轍危難安。驚起出戶視。倚楹久汎瀾。憂愁費晷景。日月如跳丸。迷復不計遠。爲君駐塵鞍。

一葉之落寫得如許奇峭此等蹊徑從何處開出聯句云腸胃繞萬象可想見落筆時意思

暮暗來客去。羣囂各收聲。悠悠偃宵寂。亶亶抱秋明。世累忽進慮。外憂遂侵誠。強懷張不滿。弱念缺已盈。詰屈避語穽。冥茫觸心兵。敗虜千金棄。得比寸草榮。知恥足爲勇。晏然誰汝令。

鮮鮮霜中菊。旣晚何用好。揚揚弄芳蝶。爾生還不早。運窮兩值遇。婉變死相保。西風螫龍蛇。眾木日凋槁。由來命分爾。泯滅豈足道。

秋懷詩抑塞磊落所謂寒士失職而志不平者昔人謂東野詩讀之令人不歡觀昌黎此等作真乃

異曲同工固宜有臭味之合也

樊汝霖曰秋懷詩十一首文選詩體也唐人最重文選學公以六經之文爲諸儒倡文選弗論也獨於李邕墓誌之曰能暗記論語尚書毛詩左氏文選而公詩如自許連城價傍砌看紅藥眼穿長訝雙魚斷之句皆取諸文選故此詩往往有其體

後山詩話曰韓詩如秋懷別元協律南溪始泛皆佳作也

御選唐宋詩醇卷二十七

御選唐宋詩醇

卷二十七

韓愈

秋懷詩

三

浙江書局總校董紹舒分校

金肇麟
張景雲 恭校

御選唐宋詩醇卷之二十八

昌黎韓愈詩二

目錄

赴江陵途中寄贈王二十補闕李十一拾遺

李二十六員外翰林三學士

此日足可惜一首贈張籍

歸彭城

醉贈張秘書

送惠師

送靈師

縣齋有懷

陪杜侍御遊湘西兩寺獨宿有題一首因獻

楊常侍

岳陽樓別竇司直

送文暢師北遊

答張澈

御選唐宋詩醇卷之二十八

昌黎韓愈詩二

赴江陵途中寄贈王二十補闕李十一拾遺

李二十六員外翰林三學士

孤臣昔放逐。血泣追愆尤。汗漫不省識。恍如乘桴
浮。或自疑上疏。上疏豈其由。是年京師旱。田畝少
所收。上憐民無食。征賦半已休。有司恤經費。未免
煩徵求。富者既云急。貧者固已流。傳聞閭里閒。赤
子棄渠溝。持男易斗粟。掉臂莫肯酬。我時出衢路。

餓者何其稠。親逢道邊死。伫立久呻吟。歸舍不能食。有如魚中鉤。適會除御史。誠當得言秋。拜疏移閣門。爲忠寔自謀。上陳人疾苦。無令絕其喉。下陳畿甸內。根本理宜優。積雪驗豐熟。幸寬待蠶麤。天子惻然感。司空歎綢繆。謂言卽施設。乃反遷炎州。同官盡才俊。偏善柳與劉。或慮語言洩。傳之落冤讎。一子不宜爾。將疑斷還不。中使臨門遣。頃刻不得留。病妹臥牀褥。分知隔明幽。悲啼乞就別。百請不領頭。弱妻抱稚子。出拜忘慙羞。僂俛不迴顧。行

行詣連州。朝爲青雲士。暮作白首囚。商山季冬月。冰凍絕行輶。春風洞庭浪。出沒驚孤舟。逾嶺到所任。低顏奉君侯。酸寒何足道。隨事生瘡疣。遠地觸途異。吏民似猿猴。生猛多忿很。辭舌紛嘲啁。白日屋簷下。雙鳴鬪鵙鷗。有蛇類兩首。有蠱羣飛游。窮冬或搖扇。盛夏或重裘。颶起最可畏。旬哮簸陵邱。雷霆助光怪。氣象難比侔。癘疫忽潛遘。十家無一瘳。猜嫌動置毒。對案輒懷愁。前日遇恩赦。私心喜還憂。果然又羈繫。不得歸耨耰。此府雄且大。騰凌

盡戈矛。棲棲法曹掾。何處事卑陬。生平企仁義。所
學皆孔周。早知大理官。不列三后儔。何況親犴獄。
敲撈發姦偷。懸知失事勢。恐自罹置罟。湘水清且
急。涼風日脩脩。胡爲首歸路。旅泊尙夷猶。昨者京
師至。嗣皇傳冕旒。赫然下明詔。首罪誅其毆。復聞
顛天輩。峨冠進鴻疇。班行再肅穆。璜珮鳴琅璆。仁
繼貞觀列。邊封脫兜鍪。三賢推侍從。卓犖傾枚鄒。
高議參造化。清文煥皇猷。協心輔齊聖。政理同毛
韜。小雅詠鹿鳴。食苹貴呦呦。遺風邈不嗣。豈憶嘗

同。稠。失。志。早。衰。換。前。期。擬。蜉。蝣。自。從。齒。牙。缺。始。慕
舌。爲。柔。因。疾。鼻。又。塞。漸。能。等。薰。蕕。深。思。罷。官。去。畢
命。依。松。楸。空。懷。焉。能。果。但。見。歲。已。道。殷。湯。閔。禽。獸。
解。網。祝。蛛。蝥。雷。煥。掘。寶。劍。冤。氛。銷。斗。牛。茲。道。誠。可
尚。誰。能。借。前。籌。殷。勤。謝。吾。友。明。月。非。暗。投。

此自陽山量移江陵而寄王涯李建李程意在牽
復耳有求於人易涉貶屈而齒缺鼻塞等語借失
志衰換寫意似有懲創然只以詼諧出之固知倔
強猶昔不肯折却腰骨也意纏綿而詞悽婉神味

極似小雅

舊唐書愈轉監察御史德宗晚年宮市之弊愈嘗上章數千言極論之不聽怒貶爲連州陽山令量移江陵府掾曹

洪興祖曰貞元十九年公自博士拜監察御史是時有詔以旱饑蠲租之半有司徵愈急公與張署李方叔上疏言關中天下根本民急如是請寬民徭而免田租天子惻然卒爲幸臣所讒貶連州陽山令幸臣李實也舊書云云疏今不

傳則公之被黜坐論此兩事也

方崧卿曰公陽山之貶寄三學士詩叙述其詳而行狀但云爲幸臣所惡出宰陽山神道碑亦只云因疏關中旱饑專政者惡之則其非爲論宮市明矣然行狀且謂爲幸臣所惡而公詩云或自疑上疏上疏豈其由則又未必皆上疏之罪也又曰同官盡才俊偏善柳與劉或慮語言洩傳之落冤讎又岳陽樓詩云前年出官由此禍最無妄姦猜畏彈射斥逐恣欺誑是蓋爲王

叔文章執誼等所排矣。憶昨行云，伍文未掬崖。州熾雖得赦，宥常愁猜。是其爲叔文等所排，豈不明甚特，無所歸咎，駕其罪於上疏耳。

此日足可惜一首贈張籍

此日足可惜。此酒不足嘗。捨酒去相語。共分一日光。念昔未知子。孟君自南方。自矜有所得。言子有文章。我名屬相府。欲往不得行。思之不可見。百端在中腸。維時月魄死。冬日朝在房。驅馳公事退。聞子適及城。命車載之至。引坐於中堂。開懷聽其說。

往往副所望。孔丘沒已遠。仁義路久荒。紛紛百家起。詭怪相披猖。長老守所聞。後生習爲常。少知誠難得。純粹古已亡。譬彼植園木。有根易爲長。留之不遣去。館置城西旁。歲時未云幾。浩浩觀湖江。眾夫指之笑。謂我知不明。兒童畏雷電。魚鼈驚夜光。州家舉進士。選試繆所當。馳辭對我策。章句何煒煌。相公朝服立。工席歌鹿鳴。禮終樂亦闕。相拜送於庭。之子去須臾。赫赫流盛名。竊喜復竊歎。諒知有所成。人事安可恒。奄忽令我傷。聞子高第日。正

徒展轉在牀夜聞汴州亂遠壁行傍徨我時留妻
子倉卒不及將相見不復期零落甘所丁驕女未
絕乳念之不能忘忽如在我所耳若聞啼聲中途
安得返一日不可更俄有東來說我家免懼殃乘
船下汴水東去趨彭城從喪朝至洛還走不及停
假道經盟津出入行澗岡日西入軍門羸馬顛且
僵主人願少留延入陳壺觴卑賤不敢辭忽忽心
如狂飲食豈知味絲竹徒轟轟平明脫身去決若

驚。鳧。翔。黃。昏。次。汜。水。欲。過。無。舟。航。號。呼。久。乃。至。夜
濟。十。里。黃。中。流。上。灘。渾。沙。水。不。可。詳。驚。波。暗。合。沓。
星。宿。爭。翻。芒。轅。馬。躑。躅。鳴。左。右。泣。僕。童。甲。午。憩。時
門。臨。泉。窺。鬪。龍。東。西。出。陳。許。陂。澤。平。茫。茫。道。邊。草
木。花。紅。紫。相。低。昂。百。里。不。逢。人。角。角。雄。雉。鳴。行。行
二。月。暮。乃。及。徐。南。疆。下。馬。步。堤。岸。上。船。拜。吾。兄。誰
云。經。艱。難。百。口。無。天。殤。僕。射。南。陽。公。宅。我。睢。水。陽
篋。中。有。餘。衣。盎。中。有。餘。糧。閉。門。讀。書。史。窗。戶。忽。已
涼。日。念。子。來。遊。子。豈。知。我。情。別。離。未。爲。久。辛。苦。多

御選唐詩卷之六 韓愈 此日足可惜一首贈六

所經對食每不飽。其言無倦聽。連延三十日。晨坐
達五更。我友二三子。宦遊在西京。東野窺禹穴。李
翱觀濤江。蕭條千萬里。會合安可逢。淮之水舒舒。
楚山直叢叢。子又捨我去。我懷焉所窮。男兒不再
壯。百歲如風狂。高爵尙可求。無爲守一鄉。

追溯與籍交結之始。至今日重逢別去。而其中歷
敘已之崎嶇險難。意境紆折。時地分明。摹刻不傳
之情。并覩縷不必詳之。事倥偬雜沓。真有波濤夜
驚風雨驟至之勢。若後人爲之。鮮不失之冗散者。
須玩其勁氣直達處。數十句如一句。尤須玩其通
篇章法。搏掄操縱筆力。如一髮引千鈞。庶可神明
於規矩之外。

六一詩話曰。退之筆力無施不可。而嘗以詩爲
文章末事。故其詩曰。多情懷酒伴。餘事作詩人。
也。然其資談笑助諧謔。敘人情狀物態。一寓於
詩。而曲盡其妙。此在雄文大手。固不足論。而予
獨愛其工於用韻也。蓋其得韻寬。則波瀾橫溢。
泛入傍韻。乍還乍離。出入回合。殆不可拘以常

格如此日足可惜之類是也得韻窄則不復傍出而因難見巧愈險愈奇如病中贈張十人之類是也余嘗與聖俞論此謂譬如善馭良馬者通衢廣陌縱橫馳逐惟意所之至於水曲蟻封疾徐中節而不少蹉跌乃天下之至工也聖俞戲曰前史言退之爲人木強若寬韻可自足而輒傍出窄韻難獨用而反不出豈非其拘強而然歟坐客皆爲之笑也

漁隱叢話曰唐子西謂退之作古詩有故避屬對者淮之水舒舒楚山直叢叢是也

某氏曰按此篇押二光字二鳴字二更字二狂字胡仔謂退之好重疊用韻以盡已之意蓋不恤其爲病也

容齋四筆曰退之此首贈張籍凡百四十句雜用東冬江陽庚青六韻及其亡也籍作詩祭之凡百六十六句用陽庚二韻其語鏗鏘震厲全倣韓體所謂乃出二侍女合彈琵琶箏者是也李光地曰首敘與籍相遇之初中言汴州之亂

避難至徐復與籍相見而惜其去也按詩易書春秋及秦漢以上古文用韻東冬江爲一部陽一部青一部庚則半入陽而半入青也蒸自爲一部支微齊佳灰爲一部而支韻字半入歌歌麻爲一部而麻韻字半入虞魚虞爲一部蕭肴豪尤爲一部尤韻字又以其半入支與虞焉真文元寒刪先爲一部侵覃鹽咸爲一部此長洲顧寧人氏所區別凡十部以合古韻其援据詳明而證驗的確矣顧氏譏韓公不識古韻蓋謂

此詩乃元和聖德之類然顧氏之學以質於詩書古文合者爲多至聲氣之元歌樂之用古人所以協律同文之本則似有未能明者蓋東冬江陽庚青蒸七韻原爲一部以其元乃一氣所生而用之以叶歌曲則收聲必同故也真文元寒刪先及侵覃鹽咸皆然至支微齊魚虞歌麻諸韻又各部之根凡各部中字生音起韻皆從此而得應自爲一部而通同之欲其源派分明故亦別爲三部歌麻也魚虞也支微齊也然魚

虞之韻能生蕭肴豪尤故蕭肴豪尤與魚虞同一收聲而可以通用支微齊能生佳灰故佳灰與支微齊同一收聲而可以通用也至歌麻與魚虞雖別部而尤相近蓋古人讀魚虞字皆如模字讀麻字皆如歌字緣歌模兩部相近其收聲亦頗同則魚虞可通於蕭肴豪尤者歌麻亦可通矣如東冬七韻真文六韻侵覃四韻雖亦支微魚虞齊歌麻所生然翻轉於齒舌唇鼻間而得之非喉音直切所生如蕭肴豪尤佳灰者

比故各自爲部而不可相通也退之此詩正用東冬等一部聖德詩則用歌魚虞尤等上聲一部謝自然詩則用真文等一部皆極本窮源得古韻之精意其學博而見卓矣且三代秦漢古書如此者頗眾第主於先入則不察耳歐公以爲有意泛入旁韻以見奇又或以爲當以叶聲求之此固淺近之論而顧氏之顯爲譏斥亦未免苟訾也

顧嗣立曰洪興祖謂此詩雜用韻又疊用韻俞

場云此詩用韻非雜也古庚陽二韻原自相通
觀鹿鳴采芑之詩自見却非俗說通用轉用之
例也其入東韻者桑中之詩亦然按少陵飲中
八仙歌嘗疊用韻此詩中間敘次亦彷彿彭衙
北征光景

歸彭城

天下兵又動。太平竟何時。訐謨者誰子。無乃失所
宜。前年關中旱。閭井多死飢。去歲東郡水。生民為
流屍。上天不虛應。禍福各有隨。我欲進短策。無由

至彤墀。剝肝以為紙。瀝血以書辭。上言陳堯舜。下
言引龍夔。言詞多感激。文字少葳蕤。一讀已自怪。
再尋良自疑。食芹雖云美。獻御固已癡。緘封在骨
髓。耿耿空自奇。昨者到京師。屢陪高車馳。周行多
俊異。譏論無瑕疵。見待頗異禮。未能去毛皮。到口
不敢吐。徐徐俟其巖。歸來戎馬間。驚顧似羈雌。連
日或不語。終朝見相欺。乘閒輒騎馬。茫茫詣空陂。
遇酒卽酌。酌君知我為誰。
憂時傷亂感憤無聊騎馬空陂不減窮途之哭周

行俊異數語風刺微婉所謂中朝大官老於事詎肯感激徒媵嬰也。剗肝瀝血句從少陵鳳凰臺詩化出又庾信經藏碑有皮紙骨筆之句退之雖不喜用釋典然運化前人詞語自無嫌也。

醉贈張秘書

人皆勸我酒。我若耳不聞。今日到君家。呼酒持勸君。爲此坐上客。及余各能文。君詩多態度。藹藹春空雲。東野動驚俗。天葩吐奇芬。張籍學古淡。軒鶴避雞羣。阿買不識字。頗知書八分。詩成使之寫。亦

足張吾軍。所以欲得酒。爲文俟其醺。酒味旣泠冽。酒氣又氛氲。性情漸浩浩。諧笑方云云。此誠得酒意。餘外徒繽紛。長安眾富兒。盤饌羅羶葷。不解文字飲。惟能醉紅裙。雖得一餉樂。有如聚飛蚊。今我及數子。固無猶與薰。險語破鬼膽。高詞媿皇墳。至寶不雕琢。神功謝鋤耘。方今向泰平。元凱承華勛。吾徒幸無事。庶以窮朝曛。

石林詩話曰韓退之贈張籍云君詩多態度藹藹春空雲司空圖記戴叔倫語云詩人之辭如

藍田日暖良玉生煙亦是形似之微妙者但學者不能味其言耳

顧嗣立曰東野二句卽薦士詩所謂敷柔肆紆餘與榮華肖天秀是也張籍二句卽調張籍詩所謂騰身跨汗漫不著織女襄是也亡友犀月嘗謂東野文昌兩君所得極不相似而同爲公所許足見公之才大可謂知言矣

西清詩話曰張文潛云東坡嘗言退之詩長安眾富兒盤饌羅羶葷不解文字飲惟能醉紅裙疑若清苦自飾者至云豔姬踏筵舞清眸射劍戟則知此老子箇中興復不淺文潛戲答曰愛文字飲者與俗人沽酒同科

趙堯夫曰或問魯直阿買是退之何人答云退之姪必有所據而云

送惠師

惠師浮屠者。乃是不羈人。十五愛山水。超然謝朋親。脫冠剪頭髮。飛步遺蹤塵。發跡入四明。梯空上秋旻。遂登天台望。眾壑皆嶙峋。夜宿最高頂。舉頭

看星辰。光芒相照燭。南北爭羅陳。茲地絕翔走。自然嚴且神。微風吹木石。澎湃聞韶鈞。夜半起下視。溟波銜日輪。魚龍驚踊躍。叫嘯成悲辛。怪氣或紫赤。敲磨共輪囷。金鷗既騰翥。六合俄清新。常聞禹穴奇。東去窺甌鳴。越俗不好古。流傳失其真。幽蹤邈難得。聖路嗟長堙。迴臨湘江濤。屹起高峨岷。壯志死不息。千年如隔晨。是非竟何有。棄去非吾倫。凌江詣廬嶽。浩蕩極遊巡。崔翠沒雲表。陂陀浸湖淪。是時雨初霽。懸瀑垂天紳。前年往羅浮。步屐夏南

海濬。大哉陽德盛。榮茂恒留春。鵬騫墮長翮。鯨戲側脩鱗。自來連州寺。曾未造城闔。日攜青雲客。探勝窮崖濱。太守邀不去。羣官請徒頻。囊無一金資。翻謂富者貧。昨日忽不見。我令訪其鄰。奔波自追及。把手問所因。顧我却興歎。君靈異於民。離合自古然。辭別安足珍。吾聞九疑好。夙志今欲伸。斑竹啼舜婦。清湘泣楚臣。衡山與洞庭。此固道所循。尋嵩方抵落。歷華遂之秦。浮游靡定處。偶往卽通津。吾言子當去。子道非吾遵。江魚不池活。野鳥難籠

循。選。屠。刀。言。西。卷。三。一
馴。吾。非。西。方。教。憐。子。狂。且。醇。吾。嫉。惰。遊。者。憐。子。愚。
且。諄。去。矣。各。異。趣。何。爲。浪。霑。巾。

送靈師

佛。法。入。中。國。爾。來。六。百。年。齊。民。逃。賦。役。高。士。著。幽。
禪。官。吏。不。之。制。紛。紛。聽。其。然。耕。桑。日。失。隸。朝。署。時。
遺。賢。靈。師。皇。甫。姓。允。胄。本。蟬。聯。少。小。涉。書。史。早。能。
綴。文。篇。中。閒。不。得。意。失。跡。成。延。遷。逸。志。不。拘。教。軒。
騰。斷。牽。攀。圍。碁。鬪。白。黑。生。死。隨。機。權。六。博。在。一。擲。
梟。盧。叱。迴。旋。戰。詩。誰。與。敵。浩。汗。橫。戈。鋌。飲。酒。盡。百。

觥。嘲。諧。思。逾。鮮。有。時。醉。花。月。高。唱。清。且。絲。四。座。咸。
寂。默。杳。如。奏。湘。絃。尋。勝。不。憚。險。黔。江。屢。洄。沿。瞿。塘。
五。六。月。驚。電。讓。歸。船。怒。水。忽。中。裂。千。尋。墮。幽。泉。環。
迴。勢。益。急。仰。見。團。團。天。投。身。豈。得。計。性。命。甘。徒。捐。
浪。沫。蹙。翻。涌。漂。浮。再。生。全。同。行。二。十。人。魂。骨。俱。坑。
填。靈。師。不。掛。懷。冒。涉。道。轉。延。開。忠。二。州。牧。詩。賦。時。
多。傳。失。職。不。把。筆。珠。璣。爲。君。編。強。留。費。日。月。密。席。
羅。嬋。娟。昨。者。至。林。邑。使。君。數。開。筵。逐。客。三。四。公。盈。
懷。贈。蘭。荃。湖。游。泛。漭。沆。溪。宴。駐。潺。湲。別。語。不。許。出。

御選唐詩卷之五
行裾動遭牽。鄰州競招請。書札何翩翩。十月下桂
嶺。乘寒恣窺緣。落落王員外。爭迎獲其先。自從入
賓館。占恡久能專。吾徒頗攜被。接宿窮歡妍。聽說
兩京事。分明皆眼前。縱橫雜謠俗。瑣屑咸羅穿。材
調真可惜。朱丹在磨研。方將斂之道。且欲冠其顛。
韶陽李太守。高步凌雲煙。得客輒忘食。開囊乞繒
錢。手持南曹敘。字重青瑤鐫。古氣叅豕繫。高標摧
太元。維舟事干謁。披讀頭風痊。還如舊相識。傾壺
暢幽悃。以此復留滯。歸驂幾時鞭。

退之闢佛却頻作贈浮屠詩前篇但敘其放浪山
水後篇則干謁飲博無所不有其所所以稱浮屠者
皆彼法之所戒良以不拘彼法乃始近於吾徒且
欲人其人而已并未暇明先王之道以道之也二
僧遊走諸方行止亦略相似而兩作各開生面絕
不雷同是其匠心布置處

某氏曰按後漢明帝夢見金人問羣臣或曰西
方有神名曰佛其形長丈六尺而金色於是遣
使天竺問佛道法圖畫形像以歸其教因流入

中國此詩據漢明帝時言之耳故其佛骨表云
自後漢時流入中國又云漢明帝時始有佛法
也漢武故事毘邪王殺休屠王來降得其金人
之神置之甘泉宮則是佛入中國始自漢武至
咸哀閒已有經矣杜致行守編亦曰漢武作昆
明池掘地得黑灰東方朔云可問西域道人西
域道人佛之徒也又開皇歷代三寶記云劉向
稱予覽典籍已見有經可知周時九流釋典秦
雖蕪除漢興復出則先漢之前逆至於周有佛
有經其來也遠范曄胡以爲明帝之時佛始入
中國邪退之一世大儒非承襲謬誤者將由心
惡其教不復詳考其源流所自耳

縣齋有懷

少小尙奇偉。平生足悲咤。猶嫌子夏儒。肯學樊遲
稼。事業窺臯稷。文章蔑曹謝。濯纓起江湖。綴珮雜
蘭麝。悠悠指長道。去去策高駕。誰爲傾國媒。自許
連城價。初隨計吏貢。屢入澤宮射。雖免十上勞。何
能一戰霸。人情忌殊異。世路多權詐。蹉跎顏遂低。

摧折氣愈下。治長信非罪。侯生或遭罵。懷書出皇都。銜淚渡清灞。身將老寂寞。志欲死閑暇。朝食不盈腸。冬衣纔掩骼。軍書旣頻召。戎馬乃連跨。大梁從相公。彭城赴僕射。弓箭圍狐兔。絲竹羅酒肉。兩府變荒涼。三年就休假。求官去東洛。犯雪過西華。塵埃紫陌春。風雨靈臺夜。名聲荷朋友。援引乏姻婭。雖陪彤庭臣。詎縱青冥靶。寒空聳危闕。曉色曜修架。捐軀辰在下。鍛翻時方藉。投荒誠職分。領邑幸寬赦。湖波翻日車。嶺石坼天罅。毒霧恒熏晝。炎

風每燒夏。雷威固已加。颶勢仍相借。氣象杳難測。聲音吁可怕。夷言聽未慣。越俗情猶乍。指摘兩憎嫌。睚眦互猜訝。祗緣恩未報。豈謂生足藉。嗣皇新繼明。率土日流化。惟思滌瑕垢。長去事桑柘。斷蒿開雲扃。壓穎抗風榭。禾麥種滿地。梨棗栽繞舍。兒童稍長成。雀鼠得驅嚇。官租日輸納。村酒時邀迓。閑愛老農愚。歸弄小女姪。如今便可爾。何用畢婚嫁。

仄韻排律名手所希似此組織精工頓挫悲壯在

集中亦自成一格 塵埃紫陌一聯與梅花灞水
句同一風致

顧嗣立曰公詩句句有來歷而能務去陳言者
全在於反用如醉贈張祕書詩本用嵇紹鶴立
雞羣語偏云張籍學古淡軒鶴避雞羣送文暢
詩本用老杜每愁夜中自足蝸句偏云照壁喜
見蝸薦士詩本用漢書強弩之末力不能入魯
縞語偏云強箭射魯縞嶽廟詩本用謝靈運猿
鳴誠知曙句偏云猿鳴鐘動不知曙此詩結語

本用向平婚嫁畢事偏云如今便可爾何用畢
婚嫁真令舊事翻新解得此秘則臭腐皆化爲
神奇矣

某氏曰貞元十九年十二月公以監察御史上
天旱人飢疏貶陽山令辰在丁謂上疏之日也
陪杜侍御遊湘西兩寺獨宿有題一首因獻

楊常侍

長沙千里平。勝地猶在險。况當江闊處。斗起勢匪
漸。深林高玲瓏。青山上琬琰。路窮臺殿闢。佛事煥

行遠居之言 寺獨宿有題一首獻楊常侍

且儼。剖竹走泉源。開廊架崖。是時秋之殘。暑氣
尙未斂。羣行忘後先。朋息棄拘檢。客堂喜空涼。華
榻有清簟。湖蔬煮蒿芹。水果剝菱芡。伊余夙所慕。
陪賞亦云忝。幸逢車馬歸。獨宿門不掩。山樓黑無
月。漁火燦星點。夜風一何喧。杉檜屢磨颭。猶疑在
波濤。怵惕夢成魘。靜思屈原沈。遠憶賈誼貶。椒蘭
爭妬忌。絳灌共譏詔。誰令悲生腸。坐使淚盈臉。翻
飛乏羽翼。指摘困瑕玷。珥貂藩維重。政化類分陝。
禮賢道何優。奉已事苦儉。大厦棟方隆。巨川楫行

刻。經營誠少暇。遊宴固已歉。旅程愧淹留。徂歲嗟
荏苒。平生每多感。柔翰遇頻染。展轉嶺猿鳴。曙燈
青。睽睽。

從獨宿寫景生情先以客堂華榻引起猿鳴燈睽
仍就獨宿上結章法一綫

岳陽樓別竇司直

洞庭九州閒。厥大誰與讓。南匯羣崖水。北注何奔
放。瀦為七百里。吞納各殊狀。自古澄不清。環混無
歸向。炎風日搜攪。幽怪多冗長。軒然大波起。宇宙

印遠書來寺亭 卷六 韓愈 岳陽樓別竇司直 下

從遊居之言酉 卷三
隘而妨。巍峩拔嵩華。騰踔較健壯。聲音一何宏。轟
輻車萬兩。猶疑帝軒轅。張樂就空曠。蛟螭露筍簾。
縞練吹組帳。鬼神非人世。節奏頗跌踢。陽施見誇
麗。陰閉感悽愴。朝過宜春日。極北缺堤障。夜纜巴
陵洲。叢芮纔可傍。星河盡涵泳。俯仰迷下上。餘瀾
怒不已。喧聒鳴甕盎。明登岳陽樓。輝煥朝日亮。飛
廉戢其威。清晏息纖纒。泓澄湛凝綠。物景巧相况。
江豚時出戲。驚波忽蕩漾。時當冬之孟。隙竅縮寒
漲。前臨指近岸。側坐眇難望。滌濯神魂醒。幽懷舒

以暢。主人孩童舊。握手乍忻悵。憐我竄逐歸。相見
得無恙。開筵交履舄。爛漫倒家釀。盃行無留停。高
柱送清唱。中盤進橙栗。投擲傾脯醬。歡窮悲心生。
婉變不能忘。念昔始讀書。志欲干霸王。屠龍破千
金。爲藝亦云亢。愛才不擇行。觸事得讒謗。前年出
官。由此禍最無妄。公卿採虛名。擢拜識天仗。姦猜
畏彈射。斥逐恣欺誑。新恩移府庭。逼側厠諸將。于
嗟苦鶩緩。但懼失宜當。追思南渡時。魚腹甘所葬。
嚴程追風帆。劈箭入高浪。顛沈在須臾。忠鯁誰復

滿聽實清越。謂僧當少安。草序頗排訐。上論古之
初。所以施賞罰。下開迷惑宵。寧豁斷株楸。僧時不
聽瑩。若飲水救渴。風塵一出門。時日多如髮。三年
竄荒嶺。守縣坐深越。徵租聚異物。詭製怛巾鞮。幽
窮共誰語。思想甚含噦。昨來得京官。照壁喜見蜩。
况逢舊親識。無不比鸚鵡。長安多門戶。弔慶少休
歇。而能勤來過。重惠安可揭。當今聖政初。恩澤完
獫狁。胡爲不自暇。飄戾逐鸛鷹。僕射領北門。威德
壓胡羯。相公鎮幽都。竹帛爛勳伐。酒場舞閨姝。獵

騎圍邊月。開張篋中寶。自可得津筏。從茲富裘馬。
寧復茹藜蕨。余期報恩後。謝病老耕堡。底身指蓬
茅。逞志縱獫狁。僧還相訪來。山藥煮可掘。
就北道主人作歆動。語純是聲色貨利事。昌黎胸
次何等乃。作此腐鼠之嚇耶。緣其惡異學甚於鄙
俗情也。

李光地曰先敘文暢求言而當日作序極陳古
義以破其惑卽今集中送文暢序是也中言被
貶陽山自幸還見親識而僧之往來尤密後乃

勸其逃墨來歸以詩文爲緣足以自致且與爲異日相從之約

俞場曰公諸長篇用險韻都不傍借正所謂因難見巧不獨贈張十八一首也但江字韻爲尤窄耳

聞見錄曰歐陽公於詩主退之不主子美劉仲原父每不然之公曰子美老夫清晨梳白頭元都道士來相訪有俗氣退之決不道也仲原父曰亦退之昔在四門館晨有僧來謁之句之類

耳公賞其辯

樊汝霖曰蘇內翰聞騾馱試筆余謫居黃州五年今日離泗州北行岸上騾馱聲空籠意亦欣然蓋不聞此聲久矣退之照壁喜見蝎不虛語也又嶺南歸云已脫問鵬之變行有見蝎之喜皆取諸此

答張徹

辱贈不知報。我歌爾其聆。首敘始識面。次言後分形。道途縣萬里。日月垂十齡。浚郊避兵亂。睢岸連

從選唐詩言西 卷三
門停肝膽一古劍波濤兩浮萍漬墨竄舊史磨丹
注前經義苑手祕寶文堂耳驚霆暄晨躡露鳥暑
夕眠風櫺結友子讓抗請師我慙丁初味猶噉蔗
遂通斯建瓴搜奇日有富嗜善心無盜石梁平佺
挺沙水光泠泠乘枯摘野豔沈細抽潛腥遊寺去
陟巘尋徑返穿汀綠雲竹竦竦失路麻冥冥淫潦
忽翻野平蕪眇開溟防泄塹夜塞懼衝城晝局及
去事戎轡相逢宴軍伶觥秋縱兀兀獵且馳駟駟
從賦始分手朝京忽同舫急時促暗棹戀月留虛

亭畢事驅傳馬居安守窗螢梅花灞水別宮燭驪
山醒省選逮投足鄉賓尙摧翎塵祛又一摻淚皆
還雙熒洛邑得休告華山窮絕徑倚巖睨海浪引
袖拂天星日駕此迴轄金神所司刑泉紳拖修白
石劍攢高青磴薛澆拳跼梯颺颺伶俜悔狂已咋
指垂誠仍鐫銘峨眉忝備列伏蒲愧分涇微誠慕
橫草瑣力摧撞筵疊雪走商嶺飛波航洞庭下險
疑墮井守官類拘囹荒餐茹獠蠱幽夢感湘靈刺
史肅著蔡吏人沸蝗螟點綴簿上字趨蹌閣前鈴

賴其飽山水。得以娛瞻聽。紫樹雕斐。碧流滴瓏玲。映波鋪遠錦。插地列長屏。愁。狄。酸。骨。死。怪。花。醉。魂。馨。潛。苞。絳。實。圻。幽。乳。翠。毛。零。赦。行。五。百。里。月。變。三十莫。漸階羣振鷺。入學誨螟蛉。萃甘謝鳴鹿。曩滿。慙。罄。餅。罔。罔。抱。瑚。璣。飛。飛。聯。鵲。鴿。魚。鬣。欲。脫。背。虬。光。先。照。硯。豈。獨。出。醜。類。方。當。動。朝。廷。勤。來。得。晤。語。勿。憚。宿。寒。廳。

排律用拗體亦是變格調古而詞豔不徒敘致之工

筆墨閒錄曰劉攽云答張徹一詩尤奇麗梅花灞水一對極有風味

顧嗣立曰此詩通首用對句而以生峭之筆行之便與律詩大別少陵橋陵詩便是此種

隱居詩話曰李肇國史補載韓愈游華山窮極幽險心悸目眩不能下發狂號哭投書與家人別華陰令百計取之方能下沈顏作聲書以爲肇妄載豈有賢者輕命如此余觀退之贈張籍詩云洛邑得休告華山窮絕徑悔狂已咋指垂

戒仍鐫銘則知肇記為信然而沈顏為妄辯也

御選唐宋詩醇卷二十八

浙江書局總校董紹舒分校
胡上襄張大昌恭校

御選唐宋詩醇卷之二十九

昌黎韓愈詩三

目錄

薦士

古風

嗟哉董生行

山石

汴泗交流贈張僕射

鳴雁

雉帶箭

條山蒼

桃源圖

東方半明

謁衡嶽廟遂宿嶽寺題門樓

永貞行

鄭羣贈簞

贈崔立之評事

送區弘南歸

三星行

剝喙行

孟東野失子

御選唐宋詩醇卷之二十九

昌黎韓愈詩三

薦士

周詩三百篇。雅麗理訓誥。曾經聖人手。議論安敢
 到。五言出漢時。蘇李首更號。東都漸瀾漫。派別百
 川導。建安能者七。卓犖變風操。逶迤抵晉宋。氣象
 日凋耗。中間數鮑謝。比近最清奧。齊梁及陳隋。眾
 作等蟬噪。搜春摘花卉。沿襲傷剽盜。國朝盛文章。
 子昂始高蹈。勃興得李杜。萬類困陵暴。後來相繼

生亦各臻闕奧。有窮者孟郊。受材實雄鷲。冥觀洞
古今。象外逐幽好。橫空盤硬語。安帖力排冝。敷柔
肆紆餘。奮猛卷海潦。榮華肖天秀。捷疾逾響報。行
身踐規矩。甘辱恥媚竈。孟軻分邪正。眸子看瞭眊。
杳然粹而清。可以鎮浮躁。酸寒溧陽尉。五十幾何
耄。孜孜榮甘旨。辛苦久所冒。俗流知者誰。指注競
嘲傲。聖皇索遺逸。髦士日登造。廟堂有賢相。愛遇
均覆燾。况承歸與張。二公迭嗟悼。青冥送吹噓。强
箭射魯縞。胡爲久無成。使以歸期告。霜風破佳菊。

嘉節迫吹帽。念將決焉去。感物增戀嫪。彼微水中
荇。尚煩左右芼。魯侯國至小。廟鼎猶納郛。幸當擇
珉玉。寧有棄珪瑁。悠悠我之思。擾擾風中燾。上言
愧無路。日夜惟心禱。鶴翎不天生。變化在啄菹。通
波非難圖。尺地易可漕。善善不汲汲。後時徒悔懊。
救死具八珍。不如一簞犒。微詩公易誚。愷悌神所
勞。

孟郊一詩流之幽逸者耳。殊未足踵武諸大家而
退之說士乃甘於肉。其自謂嗜善心無盜者此也。

橫空盤硬語安帖力排冪十字中尤妙在安帖二字樊宗師文最奇崛而退之以文從字順許之其亦異乎世之所謂安帖者矣

王安石曰吟詩各有所得清水出芙蓉天然去雕飾此李白所得也或看翡翠蘭苕上未掣鯨鯢碧海中此杜甫所得也橫空盤硬語安帖力排冪此韓愈所得也

彥周詩話曰六朝詩人之詩不可不熟讀如芙蓉露下落楊柳月中疏鍛鍊至此自唐以來無人能及也退之云齊梁及陳隋眾作等蟬噪此語吾不敢議亦不敢從

又曰退之云橫空盤硬語安帖力排冪蓋能殺縛事實與意義合最難能之知其難則可與論詩矣此所以稱東野也

隱居詩話曰孟郊詩蹇澁窮僻琢削不暇真苦吟而成觀其句法格力可見矣其自謂夜吟曉不休苦吟鬼神愁如何不自閒心與身爲仇而退之薦其詩云榮華肖天秀捷疾逾響報何也

竹坡詩話曰韓退之薦士詩云孟軻分邪正眸子看瞭眊杳然粹而清可以鎮浮躁余嘗讀東野下第詩云棄置復棄置情如刀劍傷及登第則自謂春風得意馬蹏疾一日看盡長安花一第之得失喜憂至於如此宜其雖得之而不能享也退之謂可以鎮浮躁恐未免過情

李光地曰此薦孟郊之詩而首段敘詩源委極其簡盡李太白便謂建安之詩綺麗不足稱杜子美則自陳梁以下無貶詞故惟韓公之論

最得其衷雖然陶靖節詩蟬蛻汚濁六代孤唱韓公略無及之何也此與論文不列董賈者同病猶未免於以辭為主爾

顧嗣立曰公此詩歷敘詩學源流自三百篇後漢魏止取蘇李建安七子六朝止取鮑謝餘子一筆抹倒眼明手辣識力最高唐初格律變於子昂至李杜二公而極所謂李杜文章在光燄萬丈長知公平生最得力於此也後以東野繼之似猶未足當此若公之才大而力雄思沈而

筆銳則庶乎可以配李杜而無慙矣

金唐詩話曰李翱薦孟郊於張建封云茲有平昌孟郊正士也伏聞執事舊知之郊爲五言詩自前漢李都尉蘇屬國及建安諸子南朝二謝郊能兼其體而有之李觀薦郊於梁肅補闕書曰郊之五言詩其有高處在古無上其有平處下顧兩謝韓送郊詩曰作詩三百首杳默咸池音彼三子皆知言也豈欺天下之人哉

古風

今日曷不樂。幸時不用兵。無日旣蹙矣。乃尙可以生。彼州之賦。去汝不顧。此州之役。去我奚適。一邑之水。可走而違。天下湯湯。曷其而歸。好我衣服。甘我飲食。無念百年。聊樂一日。

史記韓信傳曰農夫莫不輟耕釋耒褊衣甘食索隱曰恐滅亡不久故廢止作業而事美衣甘食此篇結意類此可謂長歌之哀深於痛哭矣

胡渭曰詩云幸時不用兵此必貞元十四年以前作也十五年則吳少誠反而大發諸道兵以

討之矣。本譏賦役之困民無所逃却言時不用兵正宜甘食好衣相與爲樂辭彌婉而意彌痛山樞萇楚之遺音也。

樊汝霖曰安史亂後方鎮相望於內地大者連州十餘小者不下三四兵驕則逐帥帥強則叛上不廷不貢往往而是故託古風以寓意觀詩意當在德宗之世與烽火詩意相爲表裏云。

嗟哉董生行

淮水出桐柏山東馳遙遙千里不能休。淝水出其

側不能千里百里入淮流。壽州屬縣有安豐。唐貞元時縣人董生召南。隱居行義於其中。刺史不能薦。天子不聞名聲。爵祿不及門。門外惟有吏。日來徵租更索錢。嗟哉董生朝出耕。夜歸讀古人書。盡日不得息。或山而樵。或水而漁。入厨具甘旨。上堂問起居。父母不感感。妻子不咨咨。嗟哉董生孝且慈。人不識。惟有天翁知。生祥下瑞無時期。家有狗乳出求食。雞來哺其兒。啄啄庭中拾蟲蟻。哺之不食鳴聲悲。傍徨躑躅久不去。以翼來覆待狗歸。嗟

哉董生。誰將與儔。時之人。夫妻相虐。兄弟爲讎。食君之祿。而令父母愁。亦獨何心。嗟哉董生。無與儔。神味古淡。節族自然。集中寡二少雙。惟琴操閒有近之者。

俞瑒曰古詩長短句盛於太白如蜀道難遠離別等篇實爲公所取法者其奇橫偏在用韻處貫下一筆然後截住以足上意如盡日不得息亦獨何心等句是也

山石

山石。犖确行徑微。黃昏到寺蝙蝠飛。昇堂坐階新雨足。芭蕉葉大支子肥。僧言古壁佛畫好。以火來照所見稀。鋪牀拂席置羹飯。疏糲亦足飽我飢。夜深靜臥百蟲絕。清月出嶺光入扉。天明獨去無道路。出入高下窮煙霏。山紅澗碧紛爛熳。時見松櫬皆十圍。當流赤足蹋澗石。水聲激激風吹衣。人生如此自可樂。豈必局束爲人鞿。嗟哉吾黨二三子。安得至老不更歸。

以火來照所見稀與嶽廟作神縱欲福難爲功略

同於法則隨手撇脫於意則素所不滿之事卽隨處自然流露也

某氏曰東坡詩云犖确何人似退之意行無路欲從誰宿雲解駁晨光漏獨見山紅澗碧時皆采公此篇中語也

顧嗣立曰七言古詩易入整麗而亦近平熟自老杜始爲拗體如杜鵑行之類公之七言皆祖此種而中間偏有極鮮麗處不事雕琢更見精采有聲有色自是大家元遺山論詩絕句云有

情芍藥含春淚無力薔薇臥晚枝拈出退之山石句始知渠是女郎詩真篤論也

汴泗交流贈張僕射

汴泗交流郡城角。築場千步平如削。短垣三面繚
逶迤。擊鼓騰騰樹赤旗。新秋朝涼未見日。公早結
束來何爲。分曹決勝若前定。百馬攢蹏近相映。毬
驚杖奮合且離。紅牛纓紱黃金羈。側身轉臂著馬
腹。霹靂應手神珠馳。超遙散漫兩閑暇。揮霍紛紜
爭變化。發難得巧意。氣麤謹聲四合壯士呼。此誠

從邊身言西
習戰非爲劇。豈若安坐行良圖。當今忠臣不可得。公馬莫走須殺賊。

神采飛動結有忠告便比雉帶箭高一格

顧嗣立曰曹子建白馬篇仰手接飛猱俯身散馬蹏杜子美詩走馬脫轡頭手中挑青絲捷下萬仞岡俯身試塞旗側身轉臂語意本此發難得巧卽雉帶箭所謂將軍欲以巧伏人盤馬彎弓惜不發是也舊註難作去聲引張良發八難解大謬

某氏曰公集有諫張僕射擊毬書此詩云此誠習戰非爲劇豈若安坐行良圖蓋諷之也

鳴鴈

嗷嗷鳴雁鳴且飛。窮秋南去春北歸。去寒就暖識所依。天長地闊棲息稀。風霜酸苦稻粱微。毛羽摧落身不肥。徘徊反顧羣侶違。哀鳴欲下洲渚非。江南水闊朝雲多。草長沙軟無網羅。閑飛靜集鳴相和。違憂懷惠性匪他。凌風一舉君謂何。

王伯大曰公在徐州與孟東野書有曰去年脫

汴州之亂遂來於此主人與余有故居余苻離
睢水上及秋將辭去云云主人謂建封公在徐
鬱鬱不得志見於書與詩者如此蓋託雁以自
喻也

雉帶箭

原頭火燒靜兀兀野雉畏鷹出復沒將軍欲以巧
伏人盤馬彎弓惜不發地形漸窄觀者多雉驚弓
滿勁箭加衝人決起百餘尺紅翎白鏃隨傾斜將
軍仰笑軍吏賀五色離披馬前墮

篇幅有限而盤屈跳盪生氣遠出故是神筆

容齋三筆曰昌黎雉帶箭詩東坡嘗大字書之
以為妙絕予讀曹子建七啓論羽獵之美云人
稠網密地逼勢脅乃知韓公用意所來處

野雉畏鷹出復沒方嵩卿本作伏欲沒朱子考
異云雉出復沒而射者彎弓不肯輕發正是形
容持滿命中之巧毫釐不差處改作伏欲神采
索然矣

顧嗣立曰將軍欲以巧伏人盤馬彎弓惜不發

二句無限神情無限頓挫。公蓋示人以運筆作文之法也。至其全首波瀾委曲細微熨貼。王留耕所謂寫物之妙。其狀如在目前。信然。信然。沈德潛曰。李將軍度不中。不發發必應弦而倒。審量於未彎弓之先。此矜惜於已彎弓之候。總不肯輕見其技也。作詩作文亦須得此意。

條山蒼

條山蒼。河水黃。浪波汙汙去。松柏在山岡。

桃源圖

神仙有無何。眇芒桃源之說。誠荒唐。流水盤迴山百轉。生綃數幅垂中堂。武陵太守好事者。題封遠寄南宮下。南宮先生忻得之。波濤入筆驅文辭。文工畫妙各臻極。異境恍惚移於斯。架巖鑿谷開宮室。接屋連牆千萬日。羸顛劉蹶了不聞。地坼天分非所啓。種桃處處惟開花。川源近遠烝紅霞。初來猶自念鄉邑。歲久此地還成家。漁舟之子來何所。物色相猜更問語。大蛇中斷喪前王。羣馬南渡開新主。聽終辭絕共悽然。自說經今六百年。當時萬

事○皆○眼○見○不○知○幾○許○猶○流○傳○爭○持○酒○食○來○相○饋○禮
數○不○同○罇○俎○異○月○明○伴○宿○玉○堂○空○骨○冷○魂○清○無○夢
寐○夜○半○金○雞○啞○嘶○鳴○火○輪○飛○出○客○心○驚○人○閒○有○累
不○可○住○依○然○離○別○難○爲○情○船○開○棹○進○一○迴○顧○萬○里
蒼○蒼○煙○水○暮○世○俗○寧○知○僞○與○真○至○今○傳○者○武○陵○人
一○起○一○結○善○占○地○步

彥周詩話曰退之桃源行云種桃處處皆開花
川源近遠蒸紅霞狀花卉之盛古今無人道此
語

俞場曰公七言古詩小用對句此篇諸對亦甚
奇偉

沈德潛曰玉堂卽金堂玉室意以神仙目之

東方半明

東方半明大星沒。獨有太白配殘月。嗟爾殘月勿
相疑。同光共影須與期。殘月暉暉太白睽睽。雞三
號更五點。

與鐘鳴漏盡意同

韓醇曰此詩與煌煌東方星與寄頗同蓋指順

宗即位不能親政而憲宗在東宮之時也

某氏曰時賈耽鄭珣瑜二相皆天下重望王叔文用事相繼引去此詩所以喻東方半明大星沒也韋執誼為叔文汲引此詩所以喻獨有太白配殘月也順宗已厭機政執誼叔文尚以私意更相猜忌所以有嗟爾殘月勿相疑同光共影須臾期也及憲宗立而叔文執誼竄猶東方明而殘月太白滅此詩所以喻殘月暉暉太白睽睽雞三號更五點也意微而顯誠得詩人之旨

旨

謁衡嶽廟遂宿嶽寺題門樓

五嶽祭秩皆三公。四方環鎮嵩當。中火維地荒足妖怪。天假神柄專其雄。噴雲泄霧藏半腹。雖有絕頂誰能窮。我來正逢秋雨節。陰氣晦昧無清風。潛心默禱若有應。豈非正直能感通。須臾靜掃眾峰出。仰見突兀撐青空。紫蓋連延接天柱。石廩騰擲堆祝融。森然魄動下馬拜。松柏一逕趨靈宮。粉牆丹柱動光彩。鬼物圖畫填青紅。升階偃僂薦脯酒。

欲以菲薄明其衷。廟令老人識神意。睢盱偵伺能
鞠躬。手持盃。玆導我擲。云此最吉。餘難同。竄逐蠻
荒。幸不死。衣食纔足甘。長終侯王將相望。久絕神
縱。欲福難為功。夜投佛寺上高閣。星月掩映雲腫
臃。猿鳴鐘動不知曙。杲杲寒日生於東。

東坡所謂能開衡山之雲者本此

沈德潛曰橫空盤硬語安帖力排莽此詩足當
此語

王伯大曰公兩謫南方初自陽山北還過衡在

永貞元年八月過潭適當殘秋陪杜侍御遊相
西寺詩云是時秋向殘是也今云我來正逢秋
雨節故知此詩是陽山還時作後自潮州還移
刺袁州則元和十五年十月蓋未嘗過衡據袁
州謝表云去年正月貶授潮州刺史其年十月
準例量移云云即自潮徑當來袁又未嘗遇秋
雨節時也蘇東坡觀海市詩云潮陽太守南遷
歸喜見石廩堆祝融恂言之耳

永貞行

君不見太皇亮陰未出令小人乘時偷國柄。北軍百萬虎與貔。天子自將非他師。一朝奪印付私黨。慄慄朝士何能爲。狐鳴梟噪爭署置。賜賚跳踉相嫵媚。夜作詔書朝拜官。超資越序曾無難。公然白日受賄賂。火齊磊落堆金盤。元臣故老不敢語。晝臥涕泣何汎瀾。董賢三公誰復惜。侯景九錫行可歎。國家功高德且厚。天位未許庸夫干。嗣皇卓犖信英主。文如太宗武高祖。膺圖受禪登明堂。共流幽州鯨死羽。四門肅穆賢俊登。數君匪親豈其朋。郎官清要爲世稱。荒郡迫野嗟可矜。湖波連天日相騰。蠻俗生梗瘴癘烝。江氛嶺祲昏若凝。一蛇兩頭見未曾。怪鳥鳴喚令人憎。蠱蟲羣飛夜撲燈。雄虺毒螫墮股肱。食中置藥肝心崩。左右使令詐難憑。慎勿浪信常兢兢。吾嘗同僚情可勝。具書目見非妄徵。嗟爾既往宜爲懲。

前幅天昏地暗中。閒日出冰消闕至後幅。又如淒風苦雨。文生於情。變幻如是。

蔡寬夫詩話曰。子厚禹錫於退之最厚。善然退。

在邊居夕言西
卷二十九
之貶陽山不能無疑赴江陵途中寄三學士云
同官盡才俊偏善柳與劉或慮語言泄傳之落
冤讎二子不宜爾將疑斷還不及其爲永貞行
憤疾至云數君匪親豈其朋又曰吾嘗同僚情
可勝則亦見其坦夷尚義待朋友始終也
困學紀聞曰少陵善房次律而悲陳陶一詩不
爲之隱昌黎善柳子厚而永貞行一詩不爲之
諱公議之不可掩也如是

顧嗣立曰此詩前半言小人放逐之爲快後半
言數君貶謫之可矜蓋爲劉柳諸公也舊註專
指夢得似未必然然夢得貶連州而公會令陽
山以具書目見句爲證於義亦通姑存其說以
俟考

鄭羣贈簞

蘄州笛竹天下知。鄭君所寶尤瓌奇。攜來當晝不
得臥。一府傳看黃瑠璃。體堅色淨又藏節。盡眼凝
滑無瑕疵。法曹貧賤眾所易。腰腹空大何能爲。自
從五月困暑濕。如坐深甌遭烝炊。手磨袖拂心語

口慢膚多汗真相宜。日暮歸來獨惆悵。有賣直欲
傾家資。誰謂故人知我意。卷送八尺含風漪。呼奴
埽地鋪未了。光彩照耀驚童兒。青蠅側翅蝨虱避。
肅肅疑有清飈吹。倒身甘寢百疾愈。却願天日恒
炎曦。明珠青玉不足報。贈子相好無時衰。
捷仔怨歌云常恐秋節至涼風奪炎熱此云却願
天日恒炎曦同一語妙

顧嗣立曰此詩每用反襯意見奇如攜來當晝
不得臥却願天日恒炎曦等句也賦物之妙直
從細瑣處體貼而出

沈德潛曰却願天日恒炎曦與攜來當晝不得
臥俱透過一層法

樊汝霖曰唐孔幾私記云退之豐肥善睡每來
吾家必命枕簟而沈存中筆談亦云世畫韓退
之小面而美頰著紗帽此乃江南韓熙載爾熙
載諡文靖江南人謂之韓文公因此遂誤以爲
退之退之肥而少頰此詩有腰腹空大及慢膚
多汗之語二說信然

贈崔立之評事

崔侯文章苦捷敏。高浪駕天輸不盡。曾從闕外來
上都。隨身卷軸車連軫。朝爲百賦猶鬱怒。暮作千
詩轉迢緊。搖毫擲簡自不供。頃刻青紅浮海蜃。才
豪氣猛易語言。往往蛟螭雜螻蚓。知音自古稱難
遇。世俗乍見那妨哂。勿嫌法官未登朝。猶勝赤尉
長趨尹。時命雖乖心轉壯。技能虛富家逾窘。念昔
塵埃兩相逢。爭名齟齬持矛楯。子時專場誇觜距。
余始張軍嚴鞢鞞。爾來但欲保封疆。莫學龐涓怯

孫臏。竄逐新歸厭聞鬧。齒髮早衰嗟可閔。頻蒙怨
句刺。棄遺豈有賢官敢推引。深藏篋笥時一發。戢
戢已多如束筍。可憐無益費精神。有似黃金擲虛
牝。當今聖人求侍從。拔擢杞梓收楛箛。東馬嚴徐
已奮飛。枚臯卽召窮。且忍復聞王師西討蜀。霜風
冽冽摧朝菌。走章馳檄在得賢。燕雀紛拏要鷹隼。
竊料二塗必處一。豈比恒人長蠢蠢。勸君韜養待
徵招。不用雕琢愁肝腎。牆根菊花好沽酒。錢帛縱
空衣可準。暉暉簷日暖。且鮮。撼撼井梧疏。更殞。高

士例須憐麴蘖。丈夫終莫生畦畛。能來取醉任喧呼。死後賢愚俱泯泯。

可憐無益費精神。爲千古文人喟息。

漁隱叢話曰。立之詩有不工處。故退之以蛟螭雜螻蚓譏之。

送區弘南歸

穆昔南征軍不歸。蟲沙猿鶴伏以飛。洶洶洞庭莽翠微。九疑鑿天荒是非。野有象犀水貝璣。分散百寶人士稀。我遷於南日周圍。來見者眾莫依倚。爰

有區子熒熒暉。觀以彝訓或從違。我念前人譬葑菲。落以斧引以繹微。雖有不逮驅駢駢。或採於薄漁於磯。服役不辱言不譏。從我荊州來京畿。離其母妻絕因依。嗟我道不能自肥。子雖勤苦終何希。王都觀闕雙巍巍。騰蹋眾駿事鞍鞿。佩服上色紫與緋。獨子之節可嗟唏。母附書至妻寄衣。開書拆衣淚痕晞。雖不救還情庶幾。朝暮盤羞側庭闈。幽房無人感伊威。人生此難餘可祈。子去矣時若發機。蜃沈海底氣昇霏。彩雉野伏朝扇翬。處子窈窕

王所妃。苟有令德。隱不腓。况今天子。鋪德威。蔽能者。誅薦受。機出送。撫背我。涕揮行。行正直。慎脂韋。業成志。樹來。願願。我當爲。子言天。扉。分散百寶。人士稀。道盡西南。邊徼地。脈風氣。柳州所謂。少人而多石也。雖不敕。還情庶。幾語意深婉。遊子讀此。可以聽於無聲矣。

張耒曰。古人作七言詩。其句脈多上四字而下以三字成之。退之乃變句脈。以上三下四。如落以斧引以繹。微雖欲悔。舌不可捫是也。

方崧卿曰。九疑言鑱天。洪濤言春天。皆奇語也。李光地曰。公在陽山。有區册。在江陵。又有區弘。皆相從。不忍舍。故弘之從公於京而歸也。詩以送之。倦倦訓勗。歸於正直。可詠可感。

三星行

我生之辰。月宿南斗。牛奮其角。箕張其口。牛不見服箱。斗不挹酒漿。箕獨有神靈。無時停簸揚。無善名已聞。無惡聲已謹。名聲相乘除。得失有餘三。星各在天。什伍東西陳。嗟汝牛與斗。汝獨不能神。

俞瑒曰奇趣却從大東之詩來變化自妙用韻凡五轉似古歌謠

東坡志林曰韓退之詩我生之辰月宿南斗乃知退之以磨蝎為身宮僕以磨蝎為命宮平生多得謗譽殆同病也

剝啄行

剝。剝。啄。啄。有。客。至。門。我。不。出。應。客。去。而。嗔。從。者。語。我。子。胡。為。然。我。不。厭。客。困。於。語。言。欲。不。出。納。以。堙。其。源。空。堂。幽。幽。有。積。有。莞。門。以。兩。版。叢。書。於。閒。窅。

窅深塹。其墉甚完。彼窳可隳。此不可干。從者語我。嗟子誠難。子雖云爾。其口益蕃。我為子謀。有萬其全。凡今之人。急名與官。子不引去。與為波瀾。雖不開口。雖不開關。變化咀嚼。有鬼有神。今去不勇。其如後難。我謝再拜。汝無復云。往追不及。來不有年。方崧卿曰韓文與多作以他文見者非一詩之子歸不我以注以猶與也朱子考異云按陸宣公奏議亦然如云未審云云以否之類是也然當作與為正

補遺唐先言酉 卷三
某氏曰公被讒出爲陽山至是召還又有謗之者故三星行云名聲相乘除得少失有餘剝啄行云我不厭客困於語言欲不出納以堙其源各有所激云爾歐陽文忠擬剝啄行寄趙少師云剝啄復啄啄柴門驚鳥雀故人千里駕信立百金諾云云公遠讒避謗欲謝客以堙其源故深其塹堅其墉不可干者而歐陽則歸老故鄉欣然喜客之至是以其辭不問如此

孟東野失子

并序

東野連產三子。不數日輒失之。幾老。念無後以悲。其友人昌黎韓愈懼其傷也。推天假其命以喻之。

失子將何尤。吾將上尤天。女實主下人。與奪一何偏。彼於女何有。乃令蕃且延。此獨何罪辜。生死旬日間。上呼無時聞。滴地淚到泉。地祇爲之悲。瑟縮久不安。乃呼大靈龜。騎雲欵天門。問天主下人。薄厚胡不均。天曰天地人。由來不相關。吾懸日與月。吾繫星與辰。日月相噬齧。星辰踏而顛。吾不女之

罪。知非女由因。且物各有分。孰能使之然。有子與
無子。禍福未可原。魚子滿母腹。一一欲誰憐。細腰
不自乳。舉族長孤鰥。鴟梟啄母腦。母死子始翻。蝮
蛇生子時。垢裂腸與肝。好子雖云好。未還恩與勤。
惡子不可說。鴟梟蝮蛇然。有子且勿喜。無子固勿
歎。上聖不待教。賢聞語而遷。下愚聞語惑。雖教無
由悛。大靈頓頭受。卽日以命還。地祇謂大靈。女往
告其人。東野夜得夢。有夫元衣巾。闖然入其戶。三
稱天之言。再拜謝元夫。收悲以歡忻。

龜策傳祝詞云假之玉靈夫子而上行於天下行
於淵詩以大靈發端本此

王伯大曰黃魯直嘗書此詩遺石君美君美失
子云時以觀覽可用亂思而紓哀究觀物理其
實如此大槩因果耳退之救世弊故并因果不
言然此一段文意乃是涅槃經中佛語退之嘗
言不能無所不讀未有能為大儒者其弗信矣
乎魯直所云如此

俞場曰用韻本主先字兼入真文元寒刪諸韻

是古韻也與此日足可惜一首同法
顧嗣立曰按孟東野集有悼幼子詩云負我十年恩欠爾千行淚杏殤詩略云兒生月不明兒死月始光此誠天不知翦棄我子孫又云病叟無子孫獨立猶束柴其詞甚可哀也

御選唐宋詩醇卷二十九

浙江書局總校姚
煨分校
張大昌
陶濬宣
恭校

御選唐宋詩醇卷之三十一

昌黎韓愈詩四

目錄

陸渾山火和皇甫湜用其韻

苦寒

和虞部盧四酬翰林錢七赤藤杖歌

送湖南李正字歸

寄盧仝

酬司門盧四兄雲夫院長望秋作

誰氏子

送無本師歸范陽

石鼓歌

題炭谷湫祠堂

聽穎師彈琴

調張籍

盧郎中雲夫寄示送盤谷子詩兩章歌以和之

病中贈張十八

寄崔二十六立之

御選唐宋詩醇卷之三十

昌黎韓愈詩四

陸渾山火和皇甫湜用其韻

皇甫補官古賁渾。時當元冬澤乾源。山狂谷狠相
 吐吞。風怒不休何軒軒。擺磨出火以自燔。有聲夜
 中驚莫原。天跳地踔顛乾坤。赫赫上照窮崖垠。截
 然高周燒四垣。神焦鬼爛無逃門。三光弛隳不復
 嗽。虎熊麋豬逮猴猿。水龍鼉龜魚與鼃。鴉鴟鵂鷹
 雉。鷓鴣。鸚鵡。燐魚。煨臠。孰飛奔。祝融告休酌卑尊。錯陳

齊。玫。闢。華。園。芙。蓉。披。猖。塞。鮮。繁。千。鐘。萬。鼓。咽。耳。喧。
攢。雜。啾。噉。沸。箎。塤。彤。幢。絳。旃。紫。纛。旛。炎。官。熱。屬。朱。
冠。禪。髹。其。肉。皮。通。胫。腎。頰。胷。垤。腹。車。掀。輶。緹。顏。靺。
股。豹。兩。韃。霞。車。虹。鞞。日。轂。輶。丹。韃。縹。蓋。緋。繡。帑。紅。
帷。赤。幕。羅。脈。騰。盭。池。波。風。肉。陵。屯。豁。呀。鉅。壑。頗。黎。
盆。豆。登。五。山。瀛。四。罇。熙。熙。醕。醕。笑。語。言。雷。公。擘。山。
海。水。翻。齒。牙。嚼。齧。舌。腭。反。電。光。礮。礮。頰。日。暖。項。冥。
收。威。避。元。根。斥。棄。輿。馬。背。厥。孫。縮。身。潛。喘。拳。肩。跟。
君。臣。相。憐。加。愛。恩。命。黑。螭。偵。焚。其。元。天。關。悠。悠。不。

可。援。夢。通。上。帝。血。面。論。側。身。欲。進。叱。於。闈。帝。賜。九。
河。湍。涕。痕。又。詔。巫。陽。反。其。魂。徐。命。之。前。問。何。寃。火。
行。於。冬。古。所。存。我。如。禁。之。絕。其。殮。女。丁。婦。王。傳。世。
婚。一。朝。結。讎。奈。後。昆。時。行。當。反。愼。藏。蹲。視。桃。著。花。
可。小。騫。月。及。申。酉。利。復。怨。助。汝。五。龍。從。九。鯤。溺。厥。
邑。囚。之。崑。崙。皇。甫。作。詩。止。睡。昏。辭。誇。出。真。遂。上。焚。
要。余。和。增。怪。又。煩。雖。欲。悔。舌。不。可。捫。
只。是。詠。野。燒。耳。寫。得。如。此。天。動。地。岐。憑。空。結。撰。心。
花。怒。生。

韓醇曰詳此詩始則言火勢之盛次則言祝融之御火其下則水火相剋相濟之說也

樊汝霖曰從公學文者多矣惟李習之得公之正皇甫持正得公之奇持正嘗語人曰書之文不奇易可謂奇矣豈礙理傷聖乎如龍戰於野其血元黃見豕負塗載鬼一車突如其來如焚如死如棄如何等語也今此詩黑螭五龍九鷗等語其與易龍戰於野何異

筆墨間錄曰無逸云鴉鴟鵬鷹雉鵠鷗句正柏

梁體後山作七字詩上東坡襲此體

劉石齡曰公詩根柢全在經傳如易說卦離爲火其於人也爲大腹故於炎官熱屬以頽胸垤腹擬諸其形容非臆說也又彤幢紫纛日轂霞車虹靺豹韃電光赭日等字亦從爲日爲電爲甲冑爲戈兵句化出造語極奇必有依據以理考索無不可解者世儒於此篇每以怪異目之且以不可解置之吁此亦未深求其故耳豈真不可解哉

中山詩話曰唐詩廢和有次韻先後無易有依韻同在一韻有用韻用彼韻不必次韓吏部和皇甫陸渾山火是也今人多不曉

洪興祖曰丁火也壬水也火女也水男也丁女而為婦於壬故曰女丁婦壬一作夫丁婦壬亦通夫丁者壬也言壬為丁夫也婦壬者丁也言丁為壬婦也朱子曰按丁為陽中之陰壬為陰中之陽故言女之丁者為婦於壬以見水火之相配今術家亦言丁與壬合洪氏二說皆是

苦寒

四時各平分。一氣不可兼。隆寒奪春序。顛項固不廉。太昊弛維綱。畏避但守謙。遂令黃泉下。萌牙天勾尖。草木不復抽。百味失苦甜。凶飈攪宇宙。銳刃甚割砭。日月雖云尊。不能活烏蟾。羲和送日出。惟怯頻窺覘。炎帝持祝融。呵噓不相炎。而我當此時。恩光何由沾。肌膚生鱗甲。衣被如刀鏃。氣寒鼻莫顛。血凍指不拈。濁醪沸入喉。口角如銜箝。將持匕箸食。觸指如排籤。侵鑪不覺暖。熾炭屢已添。探湯

無所益。何況纒與縑。虎豹僵穴中。蛟螭死幽潛。熒
 惑喪躔次。六龍冰脫髯。芒碭大包內。生類恐盡殲。
 啾啾窗間雀。不知已微纖。舉頭仰天鳴。所願晷刻
 淹。不如彈射死。卻得親魚鱗。鸞皇苟不存。爾固不
 在。占其餘。蠢動儔俱死。誰恩嫌。伊我稱最靈。不能
 女。覆苦悲哀。激憤歎五藏。難安恬中宵。倚牆立。淫
 淚何漸漸。天王哀無辜。惠我下顧瞻。褰流去耳纒。
 調和進梅鹽。賢能日登御。黜彼傲與儉。生風吹死
 氣。豁達如褰簾。懸乳零落墮。晨光入前簷。雪霜頓

銷釋。土脈膏且黏。豈徒蘭蕙榮。施及艾與藜。日萼
 行鏢鏢。風條坐檐檐。天平苟其能。吾死意亦厭。
 銳思鑿刻字。帶刀鋒不數。晉人危語了。語結意與
 少陵吾廬獨。破受凍死亦足正同。

王伯大曰此詩意蓋有所諷德宗貞元十九年

春公為四門博士作

某氏曰按舊唐書韋渠牟傳自陸贄免相後德
 宗不復委成宰相廟堂備員行文書而已所狎
 而取信者裴延齡李齊運王紹李實韋執誼洎

渠牟等皆權傾相府。姦欺多端。此詩所以諷也。
胡渭曰：唐書五行志：貞元十九年三月大雪，豈
卽所謂苦寒邪？

和虞部盧四酬翰林錢七赤藤杖歌

赤藤爲杖世未窺。臺郎始攜自滇池。滇王掃宮避
使者。跪進再拜語。嗚咿繩橋挂過免。傾墮性命造
次蒙扶持。途經百國皆莫識。君臣聚觀逐旌麾。共
傳滇神出水獻。赤龍拔鬚血淋漓。又云：羲和操火
鞭。暝到西極睡。所遺幾重包裹。自題署不以珍怪。
誇荒夷歸來捧贈。同舍子浮光照手欲把疑。空堂
晝眠倚牖戶。飛電著壁搜蛟螭。南宮清深禁闈密。
唱和有類吹塤箎。妍辭麗句不可繼。見寄聊且慰
分司。

沈德潛曰：赤龍羲和云云。此種奇傑。昌黎獨造。

送湖南李正字歸

長沙入楚深。洞庭值秋晚。人隨鴻雁少。江共蒹葭
遠。歷歷余所經。悠悠子當返。孤游懷耿介。旅宿夢
婉婉。風土稍殊音。魚鰕日異飯。親交俱在此。誰與

同息偃。

風神繇邈絕似草柳是昌黎集中變調唯南溪三首近之

沈德潛曰昌黎五言難得此清遠之格

寄盧仝

玉川先生洛城裏。破屋數間而已矣。一奴長鬚不裹頭。一婢赤腳老無齒。辛勤奉養十餘人。上有慈親下妻子。先生結髮憎俗徒。閉門不出動一紀。至令鄰僧乞米送。僕忝縣尹能不恥。俸錢供給公私

餘。時致薄少助祭祀。勸參留守謁太尹。言語纔及輒掩耳。水北山人得名聲。去年去作幕下士。水南山人又繼往。鞍馬僕從塞閭里。少室山人索價高。兩以諫官徵不起。彼皆刺口論世事。有力未免遭驅使。先生事業不可量。惟用法律自繩己。春秋三傳束高閣。獨抱遺經究終始。往年弄筆嘲同異。怪辭驚眾謗不已。近來自說尋坦塗。猶上虛空跨綠駟。去歲生兒名添丁。意令與國充耘耔。國家丁口連四海。豈無農夫親耒耜。先生抱才終大用。宰相

未許終不仕。假如不在陳。力列立言垂。範亦足恃。苗裔當蒙十世宥。豈謂貽厥無基址。故知忠孝。生天性潔身。亂倫安足擬。昨晚長鬚來。下狀隔牆惡。少惡難似每。騎屋山下窺。闕渾舍驚怕。走拆趾。憑依婚媾。欺官吏不信。令行能禁止。先生受屈未曾語。忽此來告良有以。嗟我身爲赤縣令。操權不用欲何俟。立召賊曹呼伍伯。盡取鼠輩尸。諸市先生又遣長鬚來。如此處置非所喜。況又時當長養節。都邑未可猛政理。先生固是余所畏。度量不敢窺。涯浹放縱是誰之過歟。效尤戮僕媿前史。買羊沽酒謝不敏。偶逢明月曜桃李。先生有意許降臨。更遣長鬚致雙鯉。

玉川垂老尚依時。宰致罹甘露之難。其人固非高隱。退之何以傾倒。乃爾觀詩中所敘。特與鄰人構訟。而以情面聽其起滅耳。卻寫得壁立千仞。有執鞭忻慕之意。乃知唐時處士類能作聲價如此。隱居詩話曰。退之李花詩云。夜嶺張徹投盧仝。乘雲共到玉皇家。長姬香御四羅列。縞裙練帨。

無等差及贈盧仝詩曰買羊沽酒謝不敏偶逢
明月曜桃李卽此時也李渤石洪温造爲處士
純盜虛名韓愈雖與之遊而多侮薄之所謂水
北山人得名聲去年去作幕下士水南山人又
繼往鞍馬僕從塞閭里少室山人索價高兩以
諫官徵不起彼皆刺口論世事有力未免遭驅
使夫爲處士乃刺口論世事希聲名願驅使又
要索高價似玉飾僕御以誇閭里此何等人也
其侮薄之甚矣班固云春秋五傳謂左邱明公

羊高穀梁赤鄒氏夾氏又云鄒氏無書夾氏未
有書而韓愈贈盧仝詩云春秋五傳束高閣獨
抱遺編究終始不知此二傳果何等書

彥周詩話曰玉川子春秋傳僕家舊有之今亡
矣辭簡而遠得聖人之意爲多後世有深於經
而見盧傳者當知退之不妄許人也

酬司門盧四兄雲夫院長望秋作

長○安○雨○洗○新○秋○出○極○目○寒○鏡○開○塵○函○終○南○曉○望○闕
龍○尾○倚○天○更○覺○青○巉○巉○自○知○短○淺○無○所○補○從○事○久

此寄朝衫。歸來得便。卽遊覽。暫似壯馬脫重銜。曲江荷花蓋十里。江湖生日思莫減。樂遊下矚無遠近。綠槐萍合不可芟。白首寓居誰借問。平地寸步肩雲巖。雲夫吾兄有狂氣。嗜好與俗殊酸鹹。日來省我不肯去。論詩說賦相誦誦。望秋一章已驚絕。猶言低抑避謗讒。若使乘酣騁雄怪。造化何以當鐫劂。嗟我小生值強伴。怯膽變勇神明鑒。馳坑跨谷終未悔。爲利而止真貪饑。高揖羣公謝名譽。遠追甫白感至誠。樓頭完月不共宿。其奈就缺行攔

攔

誰氏子

非癡非狂誰氏子。去入王屋稱道士。白頭老母遮門。嗚。挽。斷。衫。袖。留。不。止。翠。眉。新。婦。年。二。十。載。送。還。家。哭。穿。市。或云欲學吹鳳笙。所慕靈妃媿蕭史。又云時俗輕尋常。力行險怪取貴仕。神仙雖然有傳說。知者盡知其妄矣。聖君賢相安可欺。乾死窮山竟何俟。嗚呼。余心誠豈弟。願往教誨。究終始。罰一勸百。政之經不從而誅未晚耳。誰其友親能哀憐。

寫吾此詩持送似。

原注曰呂氏子炅見李素墓誌

本集河南少尹李素墓誌曰素拜河南少尹行
大尹事呂氏子炅棄其妻著道士衣冠謝母曰
當學仙王屋山去數月復出閒詣公公立之府
門外使吏卒脫道士服給冠帶送付其母

送無本師歸范陽

無本於爲文身大不及膽吾嘗示之難勇往無不
敢蛟龍弄角可造次欲手攬眾鬼囚大幽下覷襲

玄窞天陽熙四海注視首不領鯨鵬相摩率兩舉
快一噉夫豈能必然固已謝黯黹狂詞肆滂葩低
昂見舒慘姦窮怪變得往往造平澹蜂蟬碎錦纈
綠池披菡萏芝英擢荒蕪孤翮起連莢家住幽都
遠未識氣先感來尋吾何能無殊嗜昌歎始見洛
陽春桃枝綴紅糝遂來長安里時卦轉習坎老懶
無鬪心久不事鉛槧欲以金帛酬舉室常願頷念
當委我去雪霜刻以懜猶飈攪空衢天地與頓撼
勉率吐歌詩慰女別後覽

御選唐宋言部 卷三十一
獎賞之中諷喻深遠正不獨爲浪山說法也。身
大不及膽妙於翻用

俞瑒曰凡昌黎先生論文諸作極有關係其中
次第俱從親身歷過故能言其甘苦親切乃爾
如此詩云無本於爲文身大不及膽吾嘗示之
難勇往無不敢作詩入手全要膽力全在勇往
上見其造詣之高又云姦窮怪變得往往造平
澹平澹得於能變之後所謂漸近自然也此境
夫豈易到公之指點來學者深矣微矣

石鼓歌

張生手持石鼓文。勸我試作石鼓歌。少陵無人謫
仙死。才薄將奈石鼓何。周綱陵遲四海沸。宣王憤
起揮天戈。大開明堂受朝賀。諸侯劔珮鳴相磨。蒐
於岐陽騁雄俊。萬里禽獸皆遮羅。鐫功勒成告萬
世。鑿石作鼓隳嵯峨。從臣才藝咸第一。揀選撰刻
留山阿。雨淋日炙野火燎。鬼物守護煩撝呵。公從
何處得紙本。毫髮盡備無差訛。詞嚴義密讀難曉。
字體不類隸與科。年深豈免有缺畫。快劍斫斷生

蛟鬣鸞翔鳳翥眾仙下。珊瑚碧樹交枝柯。金繩鐵
索鎖紐壯。古鼎躍水龍騰梭。陋儒編詩不收入。二
雅褊迫無委蛇。孔子西行不到秦。倚撫星宿遺義
娥。嗟余好古生苦晚。對此涕淚雙滂沱。憶昔初蒙
博士徵。其年始改稱元和。故人從軍在右輔。爲我
量度掘日科。濯冠沐浴告祭酒。如此至寶存豈多。
瓊包席裏可立致。十鼓祇載數駱駝。薦諸太廟比
郟鼎。光價豈止百倍過。聖恩若許留太學。諸生講
解得切磋。觀經鴻都尙填咽。坐見舉國來奔波。剗

苔剔蘚露節角。安置妥帖平不頗。大厦深簷與蓋
覆。經歷久遠期無佗。中朝大官老於事。詎肯感激
徒媿。嬰牧童敲火牛礪角。誰復著手爲摩挲。日銷
月鑠就埋沒。六年西顧空吟哦。羲之俗書趁姿媚。
數紙尙可博白鷺。繼周八代爭戰罷。無人收拾理
則那。方今太平日無事。柄任儒術崇丘軻。安能以
此上論列。願借辯口如懸河。石鼓之歌止於此。嗚
呼吾意其蹉跎。

典重瑰奇良足鑄之金而磨之石後半旁皇珍惜

更見懷古情深厥後石鼓升沈不一竟得依聖人之居其文與六籍並垂永世則退之請留太學之說實有力焉此詩亦不爲空作矣

容齊隨筆曰文士爲文有矜夸過實雖韓文公不能免如石鼓歌極道宣王之事偉矣至云孔子西行不到秦拑摭星宿遺羲娥陋儒編詩不收入二雅褊迫無委蛇是謂三百篇皆如星宿獨此詩如日月也二雅褊迫之語尤非所宜言今世所傳石鼓之詞尙在豈能出吉日車攻之

右安知非經聖人所刪乎

困學紀聞曰致堂云韓退之賦石鼓曰孔子西行不到秦故不見錄孔子編詩豈必身歷而後及哉信斯言也車鄰駟鐵胡爲而收之也

集古錄曰石鼓久在岐陽初不見稱於前世至唐人始盛稱之而韋應物以爲周文王之鼓至宣王刻詩韓退之直以爲宣王之鼓在今鳳翔孔子廟中鼓有十先時散棄於野鄭餘慶始置之於廟而亡其一皇祐四年向傅師求於民間

得之十鼓乃足其文可見者四百六十五磨滅不可識者過半然其可疑者三退之好古不妄者予姑取以爲信耳至於字畫亦非史籀不能作也

塵史曰右軍書多不講偏旁此退之所謂羲之俗書趁姿媚者也

蔡寬夫詩話曰退之石鼓歌云羲之俗書趁姿媚數紙尙可博白鷺觀此語便知退之非留意於書者今洛中尙有石刻題名信不甚工

石鼓文音訓曰初在陳倉野中唐鄭餘慶始遷之鳳翔宋大觀中徙開封靖康末金人取之以歸於燕元皇慶癸丑始置大成至聖文宣王廟門之左右

沈德潛曰陋儒指當時采風者言二雅不載孔子無從采取也 隸書風俗通行別於古篆故云俗書無貶右軍意

題炭谷湫祠堂

萬生都陽明。幽暗鬼所寰。嗟龍獨何智。出入人鬼

閒不知誰爲助。若執造化關。厭處平地水。巢居插
天山。列峰若攢指。石孟仰環環。巨靈高其捧。保此
一。掬堅森沈。固含蓄。本以儲陰姦。魚鼈蒙擁護。羣
嬉傲天頑。翱翔棲託禽。飛飛一何閑。祠堂像侔真。
擢玉紆煙鬟。羣怪儼伺候。恩威在其顏。我來日正
中。悚惕思先還。寄立尺寸地。敢言來塗艱。吁無吹
毛刃。血此牛蹠殷。至今乘水旱。鼓舞寡與鰥。林叢
鎮冥冥。窮年無由刪。妍英雜豔實。星瑣黃朱班。石
級皆險滑。顛躋莫牽攀。龙區雖眾碎。付與宿已頒。
棄去可奈何。吾其死茅菅。

感詩託諷不覺義形於色秋懷已發其端此更淋漓盡致按唐書王叔文傳順宗不能聽政深居施幄坐以牛昭容宦人李忠言侍側羣臣奏事從帷中可其奏大抵叔文因忸忸因忠言忠言因昭容更相依仗又王伾傳叔文入止翰林而伾至柿林院見牛昭容等此詩擢玉紆煙鬟云云蓋借澄源以喻昭容也

某氏曰按宋敏求長安志云炭谷在萬年縣南

六十里又云澄源夫人湫廟在終南山炭谷公
南山詩有云因緣窺其湫卽此湫龍所居也
胡渭曰公詠南山云拘官計日月欲進不可又
因緣窺其湫凝湛閔陰巽此爲四門博士時事
也時天晦大雪淚目苦蒙瞶此赴陽山過藍田
時事也昨來逢清霽宿願忻始副此江陵入至
藍田時事也題炭谷湫詩蓋貞元十九年京師
旱祈雨湫祠公往觀焉故曰因緣窺其湫因緣
謂以事行非特遊也篇中饒有諷刺時德宗幸

臣李齊運李實韋執誼等與王叔文交通亂政
滋甚故公因所見以起興湫龍澄源喻幸臣魚
鼈禽鳥及羣怪喻黨人也秋懷欲習寒蛟而是
詩恨不血此牛蹠剛腸疾惡情見乎辭劉柳洩
言羣小側目陽山之謫所自來矣上疏云乎哉

聽穎師彈琴

昵昵兒女語恩怨相爾汝劃然變軒昂勇士赴敵
場浮雲柳絮無根蒂天地闊遠隨飛揚喧啾百鳥
羣忽見孤鳳凰躋攀分寸不可上失勢一落千丈

御選唐宋言詞 卷三
強嗟余有兩耳。未省聽絲篁。自聞穎師彈。起坐在一旁。推手遽止之。濕衣淚滂滂。穎乎爾誠能。無以冰炭置我腸。

寫琴聲之妙實爲得髓。繁休伯稱車子。柳子厚誌箏師皆不能及。永叔善琴乃用此爲譏議邪。躋攀二語千古詩文妙訣。

西清詩話曰六一居士嘗問東坡琴詩孰優坡答以退之聽穎師琴公曰此祇是琵琶耳吳僧義海以琴名世或以六一語問海海曰歐陽公

一代英偉然斯語誤矣昵昵兒女語恩怨相爾汝言輕柔細屑真情出見也劃然變軒昂勇士赴敵場精神餘謹聳觀聽也浮雲柳絮無根蒂天地闊遠隨飛揚縱橫變態浩乎不失自然也喧啾百鳥羣忽見孤鳳凰又見穎孤絕不同流俗下俚聲也躋攀分寸不可上失勢一落千丈強起伏抑揚不主故常也皆指下絲聲妙處惟琴爲然琵琶格上聲烏能爾邪退之深得其趣未易譏評也

彥周詩話曰退之聽穎師琴詩云浮雲柳絮無
根蒂天地闊遠隨飛揚此泛聲也謂輕非絲重
非木也喧啾百鳥羣忽見孤鳳凰泛聲中寄指
聲也躋攀分寸不可上吟繹聲也失勢一落千
丈強順下聲也善琴者云此數聲最難工自文
忠公與東坡論此詩作聽琵琶之後後生隨例
云云故論之少為退之雪冤

調張籍

李杜文章在光焰萬丈長不知羣兒愚那用故謗

傷。蚍。蜉。撼。大。樹。可。笑。不。自。量。伊。我。生。其。後。舉。頸。遙。
相。望。夜。夢。多。見。之。晝。思。反。微。茫。徒。觀。斧。鑿。痕。不。矚。
治。水。航。想。當。施。手。時。巨。刃。磨。天。揚。垠。崖。割。崩。豁。乾。
坤。擺。雷。碾。惟。此。兩。夫。子。家。居。率。荒。涼。帝。欲。長。吟。哦。
故。遣。起。且。偃。翦。翎。送。籠。中。使。看。百。鳥。翔。平。生。千。萬。
篇。金。薤。垂。琳。琅。仙。官。敕。六。丁。雷。電。下。取。將。流。落。人。
間。者。太。山。一。豪。芒。我。願。生。兩。翅。捕。逐。出。八。荒。精。誠。
忽。交。通。百。怪。入。我。腸。刺。手。拔。鯨。牙。舉。瓢。酌。天。漿。騰。
身。跨。汗。漫。不。著。織。女。襄。顧。語。地。上。友。經。營。無。太。忙。

乞君飛霞珮與我高頡頏。

此示籍以詩派正宗言己所手追心慕惟有李杜雖不可幾及亦必升天入地以求之籍有志於此當相與爲後先也其景仰之誠直欲上通孔夢其運量之大不減遠績禹功所以推崇李杜者至矣魏仲舉曰退之有取於李杜如薦士醉留東野望秋石鼓等詩每致意焉然未若此詩之專美也

雪浪齋日記曰退之參李杜透機關處於調張

籍詩見之自我願生兩翅捕逐出入荒以下至乞君飛霞珮與我高頡頏此領會語也從退之言詩者多而獨許籍者以有見處可以傳衣耳竹坡詩話曰元微之作李杜優劣論謂太白不能窺杜甫之籓籬况堂奧乎唐人未嘗有此論而稹始爲之至退之云李杜文章在光焰萬丈長不知羣兒愚那用故謗傷則不復爲優劣矣洪慶善作韓文辨證著魏道輔之言謂退之此詩爲微之作也微之雖不當自作優劣然指稹

爲愚兒豈退之之意乎

盧郎中雲夫寄示送盤谷子詩兩章歌以和之

昔尋李愿向盤谷。正見高崖巨壁爭開張。是時新晴天井溢。誰把長劔倚太行。衝風吹破落天外。飛雨白日灑洛陽。東蹈燕川食曠野。有饋木蕨芽滿筐。馬頭溪深不可厲。借車載過水入箱。平沙綠浪榜方口。雁鴨飛起穿垂楊。窮探極覽頗姿橫。物外日月本不忙。歸來辛苦欲誰爲。坐令再往之計墮

眇芒。閉門長安三日雪。推書撲筆歌慨慷。旁無壯士遣屬和。遠憶盧老詩顛狂。開緘忽覩送歸作。字向紙上皆軒昂。又知李侯竟不顧。方冬獨入崔嵬藏。我今進退幾時決。十年蠢蠢隨朝行。家請官供不報答。無異雀鼠偷太倉。行抽手版付丞相。不待彈劾還耕桑。字向紙上皆軒昂。正是此篇評語高。詠數番令人增長意氣。

漁隱叢話曰東坡云歐陽文忠言晉無文章惟

陶淵明歸去來一篇而已。余亦謂唐無文章。唯韓退之送李愿歸盤谷序一篇而已。平生欲效此作一文。每執筆輒罷。因自笑曰。不若且放教退之獨步。退之尋常詩。自謂不逮李杜。至於昔尋李愿向盤谷一篇。獨不減子美。

病中贈張十八

中虛得暴下。避冷臥北窗。不蹋曉鼓朝。安眠聽逢逢。籍也處閭里。抱能未施邦。文章自娛戲。金石日擊撞。龍文百斛鼎。筆力可獨扛。談舌久不掉。非君

亮誰雙。扶几導之言。曲節初撻撻。半塗喜開鑿。派別失大江。吾欲盈其氣。不令見麾幢。牛羊滿田野。解旆束空杠。傾罇與斟酌。四壁堆罌缸。元帷隔雪風。照鑪釘明釭。夜闌縱捩闔。哆口疏眉厖。勢侔高陽翁。坐約齊橫降。連日挾所有。形軀頓胘肱。將歸乃徐謂。子言得無哢。迴軍與角逐。斫樹收窮龐。雌聲吐款要。酒壺綴羊腔。君乃崑崙渠。籍乃嶺頭瀧。譬如蟻垤微。詎可陵崆峒。幸願終賜之。斬拔枿與椿。從此識歸處。東流水淙淙。

此篇當就用韻處玩其苦心巧思大略以軍事進退爲比皆就韻之所近而詞義乃各得其儕如前有高陽一喻而後之窮靡乃以類從不爲強押凡解旆迴軍約降吐款前後俱一綫穿成於此見長篇險韻定須慘淡經營不可恃才鹵莽也 按顧嗣立謂諸家舊注不無舛錯如病中贈張十八云龍文百斛鼎孫汝聽不知出自班孟堅寶鼎詩而漫引史記秦武王與孟說舉龍文之鼎此其譌謬更甚嗣立但見史記秦本紀有王與孟說舉鼎事而無龍文字面遂疑其訛謬而改注之不知秦武王與孟說舉龍文赤鼎自在趙世家中詩本用此孫注或欠詳晰而於義未爲失也若不引舉鼎而泛引寶鼎於下句力扛何涉舊注固時有舛錯此則改注反成譌謬特爲正之

韓醇曰公始也扶机導籍使之言且匿其麾幢解旆束杠而示之弱籍乃縱其裨闔如酈生之下齊旣連日挾其所有其後軀病語呢乃爲公敗是猶孫臍之收龐涓也籍旣爲公所敗乃自

以爲嶺頭之瀧。不足以方崑崙之渠。蟻垤之微。不足以陵崆峒之山。願終受教於公。而公於是導其所歸也。

寄崔二十六立之

西城員外丞。心跡兩屈奇。往歲戰詞賦。不將勢力隨。下驢入省門。左右驚紛披。傲兀坐試席。深叢見孤羆。文如翻水成。初不用意爲。四座各低面。不敢捩眼窺。升階揖侍郎。歸舍日未敲。佳句喧眾口。考官敢瑕疵。連年收科第。若摘領底髭。迴首卿相位。

通途無佗歧。豈論校書郎。袍笏光參差。童稚見稱說。祝身得如斯。儕輩妒且熱。喘如竹筒吹。老婦願嫁女。約不論財貲。老翁不量分。累月笞其兒。攪攪爭附託。無人角雄雌。由來人間事。翻覆不可知。安有巢中鷄。插翅飛天陲。駒麝著爪牙。猛虎借與皮。汝頭有韁繫。汝腳有索縻。陷身泥溝間。誰復稟指撝。不脫吏部選。可見偶與奇。又作朝士貶。得非命所施。客居京城中。十日營一炊。逼迫走巴蠻。恩愛座上離。昨來漢水頭。始得完孤羈。桁掛新衣裳。盜

棄食殘糜。苟無飢寒苦。那用分高卑。憐我還好古。
宦途同險巖。每旬遺我書。竟歲無差池。新篇奚其
思。風幡肆逶迤。又論諸毛功。劈水看蛟螭。雷電生
睽陽。角鬣相撐披。屬我感窮景。抱華不能攜。倡來
和相報。愧歎俾我疵。又寄百尺綵。緋紅相盛衰。巧
能喻其誠。深淺抽肝脾。開展放我側。方餐涕垂匙。
朋交日凋謝。存者逐利移。子甯獨迷誤。綴綴意益
彌。舉頭庭樹豁。狂飈卷寒曦。迢遞山水隔。何由應
墳簾。別來就十年。君馬記駟驪。長女當及事。誰助

出。悅。縞。諸。男。皆。秀。朗。幾。能。守。家。規。文。字。銳。氣。在。輝。
輝。見。旌。麾。摧。腸。與。感。容。能。復。持。酒。卮。我。雖。未。耄。老。
髮。禿。骨。力。羸。所。餘。十。九。齒。飄。飄。盡。浮。危。元。花。著。兩。
眼。視。物。隔。襪。襪。燕。席。謝。不。詣。游。鞍。懸。莫。騎。敦。敦。憑。
書。案。譬。彼。鳥。黏。繭。且。吾。聞。之。師。不。以。物。自。隳。孤。豚。
眠。糞。壤。不。慕。太。廟。犧。君。看。一。時。人。幾。輩。先。騰。馳。過。
半。黑。頭。死。陰。蟲。食。枯。醜。歡。華。不。滿。眼。咎。責。塞。兩。儀。
觀。名。計。之。利。詎。足。相。陪。裨。仁。者。恥。貪。冒。受。祿。量。所。
宜。無。能。食。國。惠。豈。異。哀。癯。罷。久。欲。辭。謝。去。休。令。眾。

睢睢。况又嬰疹疾。寧保軀不貲。不能前死罷。內實
慙神祇。舊籍在東都。茅屋枳棘籬。還歸非無指。灞
渭揚春澌。生兮耕吾疆。死也埋吾陔。文章自傳道。
不仗史筆垂。夫子固吾黨。新恩釋銜羈。去來伊洛
上。相待安罟罽。我有雙飲觥。其銀得朱提。黃金塗
物象。雕鐫妙工倕。乃令千里鯨。么麼微螽斯。猶能
爭明月。擺掉出渺瀰。野草花葉細。不辨蕢菘菹。絲
絲相糾結。狀似環城陴。四隅芙蓉樹。擢豔皆猗猗。
鯨以興君身。失所逢百罹。月以喻夫道。僂俛勵莫
虧。草木明覆載。妍醜齊榮萎。願君恆御之行止。雜
燧觴。異日期對舉。當如合分支。

敘崔如小傳敘自如尺牘雜沓覩縷似破碎而實
渾成其詞意懇款下筆不能自休可想見交誼之
厚

隱居詩話曰詩惡蹈襲古人之意亦有襲而愈
工若出於己者蓋思之愈精則造語愈深也魏
人章疏云福不盈昔禍將溢世韓愈則曰歡華
不滿眼咎責塞兩儀蓋工於前也

李光地曰前敘崔之登第謫官中道與崔唱酬
之事而因訊其安候後乃自述其志而後與崔
偕隱末方及其所以報崔之貽者與前巧喻其
誠相應

御選唐宋詩醇卷三十

浙江書局總校王詒壽分校

鄒在寅
吳鳳階 恭校

早稲田大学図書館

011888008200